

摘藻堂四庫全書薈要

子部

欽定四庫全書薈要

子部

御定淵鑒類函卷六十七

八

欽定四庫全書薈要卷一萬一千五百十五

子部

御定淵鑑類函卷六十七

設官部七

大司徒  
大司寇

大司空

大司徒一

  
皐祝鳩氏為司徒

司主也  
徒衆也

堯時舜為司徒 舜

攝帝位命禹為司徒

禹玄孫之子曰微亦為夏司徒

周時司徒為地官掌邦教 秦置丞相省司徒 漢

初因之至哀帝元壽二年罷丞相置大司徒 後漢大

司徒主徒衆教以禮義凡國有大疑大事與太尉同

蔡質

漢儀曰司徒府與蒼龍闕對殿於尊者不敢號府應劭曰此不然丞相舊位在長安時有四出門隨時聽事明帝東京本欲仍之迫於太尉司空但為東西門耳每國有大議天子車駕親幸其殿建武二十七

年去大為司徒公

鄧禹為大司徒封侯時年二十四崔烈拜司徒靈帝亦臨軒時人謂之銅

臭建安末為相國

魏黃初元年改為司徒 晉司徒

與丞相通職更置迭廢未嘗並立至永嘉元年始兩置

焉 王衍為司徒東海王越為丞相始兩置焉 宋制司徒金章紫綬進賢三

梁冠佩山玄玉掌治民事郊祀則省牲視滌濯大喪安

梓宮凡四方功課歲盡則奏其殿最而行賞罰亦與丞相並置 齊司徒之府領天下州郡名數戶口簿籍梁罷丞相置司徒歷代皆有 後周以司徒為地官謂之大司徒卿掌邦教職如周禮 隋及唐復為三公增宋仍舊制政和二年罷

詳見總序

遼金元詳太尉 明

無是官

## 大司徒二

原尚書曰百姓不親五品不遜汝作司徒敬敷五教在

寬

注曰五常之教務在寬也

又曰司徒掌邦教敷五典擾兆民

注曰

敷布也主國教化布五常之教以安和天下之衆民也

周官曰大司徒以土圭

之法測土深日至之景尺有五寸謂之地中天地之

所合四時之所交也風雨之所會陰陽之所和也然則

百物阜安乃建王國焉禮記曰司徒修六禮以節民

性明七教以興民德齊八政以防淫一道德以同俗養

耆老以致孝增又月令曰孟夏之月司徒行縣鄙韓

詩外傳曰君臣不正人道不和國多盜賊人怨其上則

責之司徒 蔡邕月令章句曰司徒教官也 原管子

曰昔者黃帝得祝融辨南方故使為司徒 典略曰契  
為司徒百姓和親夔主賓客遠人畢至 增符子曰魯  
侯欲以孔子為司徒將召三桓而議之乃謂左丘明曰  
寡人欲以孔子為司徒而授以魯政焉寡人將欲詢諸  
三子丘明曰昔周人有愛裘而好珍饈欲為千金之裘  
而與狐謀其皮欲具少牢之珍而與羊謀其饈言未卒  
狐相率逃於重丘之下羊相呼藏於深林之中故周人

十年不製一裘五年不具一牢何者周人之謀失之矣  
今君欲以孔丘為司徒召三桓而議之亦與狐謀裘與  
羊謀饁奚異哉於是魯侯遂不與三子謀而召孔子為  
司徒 原毛詩序曰緇衣美鄭武公也父子為周司徒  
善於其職國人宜之故美其德以明有國善善之功

增漢書曰王良字仲子東海人為大司徒鮑恢為長史  
以事至東海過其家見良妻布衣徒跣曳柴從田中歸  
恢告曰我司徒長史也故來授書欲見夫人妻曰妾是



也若掾耶恢下拜之歎息而歸 原華嶠漢書曰魯恭  
拜司徒數有忠言陳正得失恭在位選辟高第至列卿  
郡守數十人 增東觀漢記曰鄧禹為司徒討赤眉不  
以時進光武書曰司徒堯也赤眉桀也今長安饑民孰  
不延望 原又曰袁安為司徒每朝會憂念王室未嘗  
不流涕 又曰郭丹為司徒在朝名清廉公正 續漢  
書曰司徒公一人掌治民事凡教民孝弟遜順謹儉養  
生送死事則議其制建其度 謝承後漢書曰劉寵為

司徒卧麤布被 增又曰范遷為司徒有宅數畝田不  
過一頃復推與兄子其妻常謂曰君有四子而無立錫  
之地 又曰張湛稱疾不朝後大司徒戴涉坐所舉人  
盜金下獄帝强起湛以代之湛至朝堂遺矢溲便因自  
陳疾篤不能復任朝事遂罷之 又曰馮勤遷司徒先  
是三公多見罪退帝賢勤欲令以善自終因譙見從容  
誠之曰朱浮上不忠於君下陵鑠同列竟以中傷至今  
死生吉凶尚未可知豈不惜哉人臣放逐受誅雖復追

嘉賞賜賻祭不足償不訾之身忠臣孝子覽照前代以  
為鑑誠能盡忠於國事君無二則爵賞光乎當代功名  
列於不朽可不勉哉勤愈恭約盡忠號稱任職 又曰

鮑昱代王敏為司徒賜錢帛什器帷帳 原蔡邕鐘鼎

銘序曰惟建寧四年三月進公登於王堂前庭乃制詔  
曰其以司空橋玄為司徒公拜稽首三讓然後受命

齊職儀曰司徒古官也品秩冠服同丞相郊廟服冕同  
太尉漢哀帝從朱博議始置三司改丞相為大司徒以

孔光為之 增漢官典職曰司徒本丞相官哀帝改為

大司徒 原九州春秋曰靈帝賣官崔烈入錢五百萬

以買司徒

詳三公

增魏志曰華歆字子魚拜司徒素貧

祿賜以賑施親戚故人家無儋石之儲公卿嘗並賜沒

入婦女惟歆出而嫁之帝歎息 又曰黃初元年改相

國為司徒御史大夫為司空奉常為太常郎中令為光

祿勲 魏名臣奏曰黃門杜恕奏云漢故事人民疾病

責之司徒 蜀志曰許靖字文休及先主即尊號策靖

曰朕獲奉鴻業君臨萬民夙宵惶惶不能自綏百姓不親  
五品不遜汝作司徒敬敷五教在寬君其勗哉靖雖年踰  
七十愛樂人物納誘後進清談不倦丞相諸葛亮皆為之  
拜 原吳錄曰丁固為司徒初為尚書夢松生腹謂人曰  
松字十八公後十八年吾其為公乎遂如夢 王隱晉書曰  
魏舒為司徒年過致仕有謙謙意而無居宅乃漸以俸秩  
餘為第一所未嘗語親疎當遜位九年正月朝會罷逕還  
家奉送章綬內外莫有知舒此情者 又曰武帝以山濤

為司徒頻讓不許濤出逕歸家左丞白褒奏濤違詔詔杖  
褒五十增又曰王渾字元冲遷司徒仍兼兵渾以司徒  
文官主吏不得持兵乃吏屬絳衣自以為非是舊典皆令  
皂服論者美其讓而識體原又曰王戎字濬冲代王渾  
為司徒高選長史西曹掾委任責成常得無為形狀短陋  
而目明徹威儀不足常乘馬輦無日不出以象牙籌晝夜  
算計家財遠及田牧性又儉不能善自奉養飲食通財不  
外出天下之人謂之膏肓之病增又曰王戎再至司徒

委事掾屬乘小馬從便門出見者不知是台司也 又曰

石苞為司徒奏州郡農桑未有賞罰之制宜遣官屬循行  
皆當均其土宜舉其殿最然後黜陟焉詔曰農殖者為政  
之本有國之大務也雖欲安民興化不先富而教之其道  
無由而至今四海多事軍國費廣當亟征役之後屬有水  
旱之患倉庫不充百姓無積稼穡樹藝司徒掌之今雖  
論道經邦然國家立政惟時所急故陶唐之世稷官為  
重今登司徒位當其任有毀家紓國蹇蹇匪躬之意其

使司徒督察州郡播殖其增置掾屬十人聽取主官練  
事業者邕在位稱為忠勤帝每委任焉 又曰何劭曾  
之子也永康初遷司徒趙王倫篡位及三王交爭劭以  
元老而遊其間無怨之者 原晉中興書曰劉隗從兄  
疇字王喬少有重名司空蔡謨每歎曰若使劉王喬得  
南渡司徒公之美選也 又曰陳壽為司徒仰理萬機  
俯澄邦教 又曰蔡謨字道明讓司徒穆帝臨軒自平  
旦至日中使者十餘反而謨不至穆帝時年八歲甚倦



問左右曰所召何以至今不來臨軒何時當竟皇太后  
詔曰必不來者宜罷朝中軍殷浩奏曰免吏部尚書江  
彪官於是公卿奏送謨廷尉以正刑書謨懼率子弟素  
服詣闕到廷尉待罪詔可依舊制免為庶人

又曰蔡謨  
遷司徒謨

固讓曰若我為司徒為後世哂義不敢拜詔數十下謨  
章表十餘上陳以疾篤帝臨軒自旦至中而徵不至公  
卿以蔡公傲  
無人臣禮

江氏家傳曰江統字應元時太傅從事

中郎庾子嵩以風韻見重亦並雅敬君德庾中郎每云  
當今可以居司徒充民望者江生其人也 增隋書曰

王誼為大司徒蘇威立議以為戶口滋多民田不贍欲  
減功臣之地以給民誼奏曰百官歷世勲賢方蒙爵土  
一旦削之未見其可臣所慮者朝臣功德不進何患民  
田有不足耶上然之竟寢威議 唐書曰太和四年司  
徒裴度上表辭冊命言臣此官已三度受冊有覲顏目  
從之

大司徒三

原邦教 地征

周禮大司徒之職乃立地官司徒使帥  
其屬而掌邦教以佐王安擾邦國鄭注

所以親百姓訓五品也擾亦安也又曰以土均之法

辨五物九等制天下之地征鄭注均平也五物五土所

### 五禮 六樂

生之物也九等駢剛赤緹墳壤渴澤醎

周禮大司徒之職以五禮防萬民之偽而教之中鄭注

禮所以節正人之侈偽使得其中又曰以六樂防萬

民之情而教之和注曰樂以

### 度地 辨土

周禮大司徒之職凡

建邦國以土圭土其地而制其域注曰土其地猶言度

其地又曰以土宜之法辨十有二土之名物注曰十

有二土分野十有二州也

### 七政 五教

常璩華陽國志曰自建武

之後羣儒修業開紫圖緯漢之宰相當出坤鄉於是司

徒李公屢登七政太傳於堅奕代論道下詳在大司

徒一尚書

### 夢松 取穗

上詳大司徒二吳志范曄後漢書曰蔡茂字子禮建武二十年代

戴涉為司徒在職清儉匪懈茂初在廣漢夢在大殿之極上有三穗禾茂跳取之得其中穗輒復失之主簿郭賀離席慶曰大殿者官府之形象也極而有禾人臣之上祿也取其中穗中台之位於字失禾為秩雖曰失之乃以得祿秩也衮職有闕君其補之旬日而茂徵馬辟賀為掾

地官

農父

周禮曰乃立地

官大司徒之職掌建邦之土地之圖與其民人之數佐王安擾邦國周書曰農父若保農父教官司徒也主

農謂之父者尊之也言

芮伯

君牙

尚書曰成王以芮伯為司徒

農父能順保萬民也

又曰成王命

樂劔

冕服

晉王尊受遺詔輔幼主加羽葆鼓吹及班劔安帝

君牙作司徒

詔侍中太常領司徒可衮冕服綠絨羽葆鼓吹也

乘小車

卧布被

晉王戎再領司

徒委事掾屬時乘小車而以手版插腰從便門出人不知其為台司也下詳大司徒二劉寵事

增

登堂

落水

上詳大司徒二蔡邕鐘鼎銘序

南史云

壞墜水僕射王儉驚跳下車謝趙宗恃才使氣多所凌忽撫掌大笑曰落水三公墜車僕射

責吏

事

設小會

漢光武以吏事責三公故功臣不用注云太尉公掌四方兵事司徒公掌人民孝弟

謙讓事司空公掌外土營城邑浚溝洫修墳坊事此所謂吏事責三公也分紀云前代三公策拜皆設小會

所以崇宰輔之制自魏末以後廢格不行至石鑒拜司徒有詔令設會遂以為常

大司徒四

原主教

左傳云少昊氏以鳥名官祝鳩氏司徒也注云祝鳩孝故司徒也主教民也

民成

契為司徒而民成注云民成知五教之法

銅臭

象籌

俱詳大司徒二

明七政

# 修六禮 敷五典 齊八政

俱詳大司徒一

## 理人倫

古今通語

云訓五品理人倫使風行俗平萬國咸寧者謂之司徒

## 統人倫

晉書荀組傳帝欲以組為司徒

問太常賀循循曰組舊望清重忠勤顯著遷訓五品以統人倫實允衆望

## 行純備

華嶠漢書云鄧

禹字仲華拜大司徒年二十四

## 德充塞

曹植輔臣論云德充塞於內智彌橫

於外解釋剖散繫結者王司徒也案王司徒朗也

## 司徒象地

晉百官表注司徒唐虞官也王

者象地立司徒使掌邦教也

## 司徒成德

大戴禮

## 司徒主吏

晉百官表注司

徒則總主天下之吏其屬官如太宰也

## 司徒主人

白虎通云徒衆也重民衆

## 式和

## 民則

尚書君牙篇穆王命君牙作周大司徒曰弘敷五典式和民則

## 示民軌儀

晉起居注

云武帝太始六年詔曰昔舜命九官契司五教所以崇弘王化示民軌儀也

用理蕃維

崔駰

司徒歲序曰帝堯命禹五品

總論人物

王隱晉書曰何曾字穎考

以太尉領司徒曰舊宰相之職自古及今總論人物訓治之本也

宣力賜勤

蔡邕鐘鼎銘序

曰惟建寧四年三月乃制詔曰其以司空橋玄為司徒公允迪厥德宣力賜勤

簡亮持重

王隱

晉書曰魏舒字陽元山濤薨以舒領司徒有頃即真舒居位簡亮持重為任職臣

增傳祇遜

位

晉諸公讚曰司徒傳祇疾遜位不許板輿上殿

荀勗答詔

荀勗別傳曰咸寧四年司徒何

曾遷太宰詔問勗司徒處當得人誠副遠近之望并治事見才誰可也勗答詔云三公具瞻所歸不可用非其人昔魏文帝用賈詡為三公孫權笑之今尚書令李徹忠亮高潔宜處台輔

事體練達

東漢

胡廣年八十四練達事體明解朝章雖無蹇直之風屢有補闕之益在公台二十餘年禮任甚優一履司空再作司徒三登太尉又為太傅其所辟命皆天下之士與故吏陳蕃李咸並為三司蕃等每朝會嘗稱疾以遜廣焉

### 昭德塞違

晉天文志曰三台大星西近文昌二星曰上台為司命次二星曰中台為司中

東二星曰下台為司祿所以昭德塞違也又周禮大宗伯疏云上台司命為太尉中台司中為司徒下台司祿為司空故漢郎顗傳云三公上應台階下同元首

### 原辨十有二壤

周禮云辨十有二壤

之物而知其種以教稼穡樹藝鄭注壤亦土也變言耳以萬物自生則言土土猶吐也以人所耕而樹藝則言壤壤和緩之貌

### 知九州地域

又云以天下土地之圖周知九州之地域鄭注周猶偏也

### 五地辨物生

又云以土會之法辨五地之物生一曰山林二曰川澤三曰丘陵四曰墳衍五曰原



隱

# 八刑糾萬民

周禮大司徒職云以鄉八刑糾萬民  
一曰不孝之刑二曰不睦之刑三曰

不嫺之刑四曰不弟之刑五曰不任之刑六  
曰不恤之刑七曰造言之刑八曰亂民之刑

## 施教十

## 有二

又云因此五物者民之常而施十有二教焉一曰  
以祀禮教敬則民不苟二曰以陽禮教讓則民不

爭三曰以陰禮教親則民不怨四曰以樂禮教和則民  
不乖五曰以儀辨等則民不越六曰以俗教安則民不  
偷七曰以刑教中則民不競八曰以誓教恤則民不怠  
九曰以度教節則民知足十曰以世事教能則民不失  
職十有一曰以賢制爵則民慎德十有二曰以庸制祿  
則民興功鄭注陽禮謂鄉射飲酒之禮也陰禮謂婚姻  
也儀謂君南面臣北面父坐子伏之屬俗謂土地所生  
習也偷謂朝不謀夕恤謂災危相憂度謂宮室車服之  
制世事謂士農工商之事慎德  
謂矜其善德勸為善也庸功也

## 頒職十有二

又云頒  
職事十

有二於邦國都鄙使以登萬民一曰稼穡二曰樹藝三曰作材四曰阜蕃五曰飭材六曰通材七曰化材八曰斂才九曰生材十曰學藝十有一曰世事十有二曰服事鄭注稼穡謂三農生九穀也樹藝謂園圃毓草木作材謂虞衡作山澤之材阜蕃謂藪牧養蕃鳥獸飭材謂百工飭化八材通材謂商賈阜通貨賄化財謂嬪婦化治絲枲斂材謂臣妾聚斂疏材生材謂閭民無常職轉移執事學藝謂學道藝世事謂以世事教能則民不失職服事謂為公家服事者玄謂生材養竹木者飭材百工修飭金玉之屬以為器也

以本俗安

民又云以本俗六安萬民一曰媿宮室二曰族墳墓三曰聯兄弟四曰聯師儒五曰聯朋友六曰同衣服案

注媿音美美善也謂約柝攻堅風雨攸除

以保息養民

又云以保息六養萬民一曰慈幼二

曰養老三曰振窮四曰恤貧五曰寬疾六曰安富

韓暨志高潔

景初二年詔曰韓暨深身

浴德志節高潔年踰八十守道彌固可謂純篤老而益幼者也其以暨為司徒

石苞陳本務

晉書曰石苞為司徒苞深陳農桑本務明其考課居位五年天下稱之

顏淵為司徒

論語

摘輔相云子夏曰仲尼為素王顏淵為司徒

鄧禹作司徒

漢書鄧禹傳制詔曰前將軍鄧

禹深執忠孝與朕謀謨帷幄決勝千里孔子曰自吾有回門人日親斬將破軍平定山西功效尤著百姓不親五品不遜汝作司徒案史記曰顏回死孔子哭之慟曰自吾有回門人益親

侯霸有威容

袁崧後漢書曰侯霸拜大司徒矜嚴有威容奉公無私也

鄧禹遠名勢

華嶠漢紀鄧禹為司

徒天下既定常欲遠名勢有子十三人各使守一藝

祿賜施故人

魏華歆事詳大司徒二

祿賜散九族

王隱晉書曰魏舒為司徒祿賜散之九族家無餘財

王良妻布

衣漢司徒

華歆賜御衣

魏志華歆傳云文帝即位以歆為司徒下詔曰司徒國之雋老

所與和陰陽理庶事也今大官重膳而司徒蔬食甚無謂也特賜御衣及為其妻子男女皆作衣服

當

歸馬之代 居祝鳩之官 況當至理之朝 宜重若

保之任 漢用元勳任宗鄧禹 晉推碩德選在山濤

養老恤孤崇德黜惡

禮記王制曰司徒養老以致孝恤孤獨以逮不足尚賢以崇德

簡不肖以黜惡也

載育庶物安撫萬民

晉百官表注司徒掌邦教云

百

姓不親則責司徒

尚書大傳曰百姓不親五品不順則責司徒

萬民饑寒

則飭司徒

大戴禮曰財物不蓄萬民饑寒風俗淫僻百姓荒亡人民散敗則飭司徒

思訓

五品以康四海

晉起居注武帝太始六年詔曰朕承洪業昧於大道思訓五品以康四海侍中

司空荀勗明允篤誠思心通遠翼

宜贊三事以敷五

亮先王遂輔朕躬其以為司徒

教王隱晉書山濤以左僕射為司徒詔曰濤道高德茂器宇淵濟宜贊三事以敷五教也

## 大司徒五

增詩唐賈島上邠寧邢司徒詩曰箭頭破帖渾無敵杖  
底敲毬遠有聲馬走千蹄朝萬乘地分三郡擁雙旌春  
風欲盡山花發曉角初吹客夢驚不是邢公來鎮此長  
安西北未能行 張蟪贈李司徒詩曰承家拓定隴關

西勲貴名應上將齊金庫夜開龍甲冷玉堂秋閉鳳笙  
低歡筵每怨嬌娥醉閒櫪猶驚戰馬嘶長怪魯儒頭枉  
白不親弓劍覓丹梯

原箴漢崔駰司徒箴曰天鑑在下仁德是興乃立司徒  
亂茲黎蒸茫茫庶域率土祁祁民具爾瞻四方是維乾  
乾夕惕靡怠靡違恪恭爾職以勤王機敬敷五教九德  
咸事嗇民用章黔萌是富無曰爾悖忘于爾輔無曰余  
聖以忽執政匪用其良乃荒厥命庶績不怡疚于爾祿

豐有折肱而鼎覆其餗書歌股肱詩刺南山尹氏不堪  
國度斯憊徒臣司農敢告執蕃

原碑宋傳亮司徒劉穆之碑曰公諱穆之字道和彭城  
人也公膺陶鈞之秀範該生民之上操三變肇於弱容  
九德充於初迪文明在中柔順暢于事業敬以直內義  
讓洽于州黨時元兇竄遁擁據荆沔乘輿播幸越蹈九  
江公率先羣后雷發川渚獎懷本之衆勵思奮之士栢  
謙藉累業之資徐覆狃驟勝之鋒習亂之徒若蝟毛而

起內懷根本之虞外通首尾之勢公靈武獨運奇謨內  
湛鞠旅陳衆視險若夷飛雲西泝則水絕鯨鯢乘轅東  
指則陸殪長蛇迴累綦之危成維山之固豐功茂勲大  
造於王室淳風懿化永結于荆南銘曰二儀發揮川嶽  
協靈外恢溫雅內鏡文明懷仁履順蘊義居貞煌煌衮  
衣禮亦隆止翼翼素心亮終如始怡情升降一色愜喜  
訓儉于物復禮于已

原墓誌後魏溫子昇司徒元樹墓誌銘曰昔樞電降祥



姬水成業握八符以馭世膺五命以會昌欽明格于上  
下光澤被於宇宙卜年永久歷世遐昌有文王之孫子  
啟周公之苗裔積善所及踵武稱賢每以辛李為言恒  
持韓白自許殫百慮之一致盡能事於生民蒼蒼在上  
義歸無厚徒有東平避世之意空懷北海自晦之情疾  
非逢霧終異啟手銘曰明允篤誠發于岐嶷未鏤已雕  
不扶而直修禮以耕強學為殖孔既歎魯莊亦吟越况  
以度思有懷明發翻然高舉歸于魏闕長路未窮朝光

已沒 又司徒祖瑩墓誌曰自天命生商王居徙亳淵  
源既遠枝葉繁華祖德潤於身聲高邦國父行成於已  
名重京師公鍾美多福資神積善器局閑靈志識開悟  
口含碧雞之辨手握雕龍之文門有善業家傳慶靈礪  
金成器相遺滿籛琢玉為寶待價聯城匪直也人實惟  
有道言析秋毫辭連春藻 梁沈約為司徒謝朓墓誌  
銘曰嶽神昔降和氣令鍾以彼天爵鬱為人龍崇墓往  
峻世德今重漢車作傳靈位攸待我君應符非公莫宰

華衮既襲輕羅自改形雖廟堂心猶江海經邦已備皇  
情迴屬素駢輟柳玄雲罷曲增唐杜牧為東川節度  
使檢校右僕射兼御史大夫贈司徒周墀墓誌銘曰姬  
之支封國自為姓以周為氏入唐不盛歷後幾世厥生  
賢孫當唐中興為唐相臣文思天子誇古為治提起王  
道以公為倚近蹊巢竅出者鳥駛誰塞誰棘勞公碎指  
三屏大邦駿壯武事哺撫稚耄父母赤子曰將曰相公  
其愧幾指古為比公其無愧以公遺唐而後公死不錫

壽考誰其辨之

原諫後漢張衡司徒呂公諫曰昔呂皇祖帝堯之緒伯  
夷秩唐唐宗允叙四嶽在虞傳王佐禹克厭帝心姓姜  
氏呂登是南邦以家以處降及于周穆侯作輔寡于九  
族九族用寧登受八命衮職靡傾黃耳金鉉公餽以盈  
綽兮其寬皦兮其清既明且哲式保令名旂旂從風馬  
牡超驤去此寧寓歸于幽堂玄室冥冥修夜彌長 梁  
簡文司徒始興忠武王諫曰皇源地闡帝業天維於穆

忠武光國之基爰自弱齡英明播越王潤冰鮮山靜雲  
發帝曰爾諧僉議彼屬推轂兩江建旗三蜀將旋上國  
總結四民三鱣表服二鹿隨輪方變正袞永範時規天  
弗報善哲人其萎響哀挽於北邙去承明而不入望參  
差之流影聽潺湲之雨泣

原章宋謝莊北中郎新安王拜司徒章曰丕惟震施罔  
匱鴻慶方稠燮調之重遂臻非據智小謀大周易興規  
少陽微暄有鑒前史辨其動植布其安擾以倡九牧阜

成王教豈臣眇末所能克荷 又為北中郎將謝兼司  
徒章曰臣聞燮理陰陽寅亮天地弗惟其官無人則闕  
司徒掌敷五教職擾兆民豈悟乾靈罔匱光渥方闡不  
次之任殊絕藩岳豈可權尸三事假備六符慙震周迴  
顧步交悻

原表梁吳均揚州建安王讓加司徒表曰臣聞玄黃之  
馬事絕於銜鑣蟠朽之材飾垂於丹漆何則千里之志  
已窮萬乘之器無取遠物近身於馬在譬 後魏溫子

昇為司徒高敖曹謝表曰委水橫流羣龍交戰徒悲道  
喪空懷主辱雖復見義援戈臨危奮劒顧慙後嗣終謝  
先鞭事等泣河無救三川之竭有類憂天豈支四極之  
壞北齊邢子才為潘司徒樂讓表曰武皇帝運屬繼  
元事深微禹推蚩尤之陣破尋邑之師義開金石理勗  
庸駘遂日奉羈勒有事風塵徒備烏背之毛曾無馬箠  
之力

大司空一

原司空古官

少皞鵠氏為司空

舜攝帝位以禹

為司徒

周禮正義曰禹自司空總百揆乃分司空之職為共工虞書曰垂作共工益作朕虞是也

禹玄孫之子曰冥亦為夏司空

殷湯以咎單為司空

周禮司空為冬官掌邦事凡營城起邑浚溝洫修墳

防之事則議其利建其功四方水土功課歲課歲盡則

奏其殿最而行賞罰凡國有大造大疑諫諍與太尉同

秦無司空置御史大夫 漢初因之至成帝綏和元

年始更名御史大夫曰大司空

初改為司空議者又以縣道官有獄司空故復



加為大司空亦以別小大之文金印紫綬祿比丞相哀帝建平二年復

為御史大夫元壽二年復為大司空 後漢初為大司

空建武二十七年去大為司空公第五倫字伯魚為司空言議果決以貞白

稱張敏字伯達為司空行大射禮陪位頓仆策免 獻帝建安十三年又罷司

空置御史大夫郗慮免不復補荀綽百官志曰獻帝置御史大夫職如司空不

領侍御史 魏初又置司空冠綬及郊廟之服與太尉同鄭

字林叔為司空天子臨軒遣就第拜授袞謂使曰魏以徐景山為司空徐公曰三公上應天心苟非其人實傷

和氣固辭見許 宋制進賢三梁冠佩山玄玉掌治水土祠祀

掌埽除樂器大喪掌將校復土歷代皆有之後周為

冬官謂之大司空卿

掌邦事以五材九範之徒佐皇帝富邦國大祭祀行麗埽廟社四望

則奉豕牲

隋及唐復為三公

天寶十三年策拜楊國忠為司空其日雨土

增

宋仍唐制政和二年罷遼金元詳太尉明無是官

### 大司空二

原禮記曰司空執度地以居民量地遠近興事任力

春秋元命苞曰危東六星兩兩而比曰司空主水

增尚書大傳曰溝瀆壅遏水為民害田曠不墾則責之

司空 韓詩外傳曰山林崩陁川谷不通五穀不豐草  
木不茂則責之司空 家語曰度量不審舉事失理都  
鄙不修財物失所曰貧貧則飭司空 漢官解詁曰下  
理地道上和乾光謂之司空 白虎通曰司空主土而  
不言土而言空者空尚主之況於實乎 環濟要略曰  
冬官司空掌邦事營城郭都邑立社稷宗廟造營宅器  
械監百工 原尚書曰僉曰伯禹作司空帝曰俞咨禹  
汝平水土惟時懋哉 又曰司空掌邦土居四民時地

利

注曰冬官卿主國空土以居士農工商四民使順天時分地利也

尚書刑德考曰

禹長于地理水泉九州得括象圖故堯以為司空 魚

豢典略曰禹為司空披九山通九澤決九川定九州使

各以其職來貢地方五千里至於荒服 增傳子曰荀

仲預稱禹十二為司空 原齊職儀曰司空品秩冠服

同太宰舜以禹為司空成王以毛公為司空宋以武公

之諱改司空為司城楚改司空為莫敖 家語曰孔子

初仕為中都宰三年定公以為司空乃別五土之性而

物其所生之宜咸得厥所 齊職儀曰秦置御史大夫

省司空 東觀漢記曰杜林代張純為大司空務於無

為第五倫為司空奉公不撓言事無所依違 續漢書

曰張奮為司空時歲災旱祈雨不應乃上表即時引見

復口陳時政之宜帝召太尉司徒幸洛陽獄錄囚徒天

雨三日 又曰王梁字君嚴為野王令赤伏符曰王良

主衛作玄武上以野王本衛地徙玄武水神大司空水

土之官也於是拜梁為大司空 袁宏漢紀曰第五倫

為司空有人與倫千里馬者倫雖不取每三公有所選  
舉倫心不忘也然亦終不用 華嶠後漢紀曰伏恭為  
太僕帝臨辟雍於行禮中拜恭為司空儒者以為榮  
增又曰竇融拜冀州十餘日又遷大司空融自以非舊  
臣一旦入朝在功臣之右召會進見容貌辭氣卑恭已  
甚帝以此愈親厚之 又曰張奮字穉通父純臨終敕  
家丞曰司空無功於時猥蒙爵土身死之後勿議傳國  
奮兄根少被病光武詔奮嗣爵奮稱純遺敕固不受帝

以奮違詔敕收下獄奮惶怖乃襲爵焉 又曰第五倫  
章帝立徵拜司空奉公不撓言議果決後自陳老病以  
二千石祿俸終身 魏志曰元年司徒司空並缺散騎  
侍郎孟康曰夫宰相者天下之所瞻效誠宜得秉忠履  
正本德服才之士足為海內所師表者竊見司隸校尉  
崔林稟自然之正性體高雅之弘量論其所長以比古  
之人忠直不偽則史魚之儔也清儉守約則季文之匹  
也遂為司空封安陽亭侯三公封列侯自林始也原

又曰徐邈拜司空歎曰三公論道之官無其人則闕豈  
可以老病忝之哉固辭不受 華陽國志曰趙瑤字玄  
圭自扶風太守來之郡司空張溫謂曰第五倫昔從蜀  
郡為司空今掃吾第以待足下 荀氏家傳曰荀爽字  
德明董卓徵公公到府三日策拜司空起巖穴九十五  
日而為台司世人號曰白衣登三公 增楊賜本傳曰  
司空賜華岳所挺九德純備三葉宰相輔國以忠五登  
衮職弭難乂寧 牟融本傳曰牟融經明才高明帝數



嗟歎以為才堪宰相明年為司空舉動方重甚得大臣之節 晉武帝詔曰三司之任以翼宣皇極弼成王事者也故經國論道賴之明喆裴秀思心通遠勲德茂著宜正位居體以康庶績其以秀為司空 原晉中興書曰陸玩字士瑤王道邾鑒庾亮相繼薨殂朝野憂懼咸以為三良既歿國基墜矣於是遷玩侍中司空給羽林四十人玩比陳讓不聽既拜歎息謂賓客曰以我為三公是天下無人也談者以為知言 增五代史唐書曰

清泰二年制以前同州節度使馮道為司空時議以自  
隋唐以來三公無職事自非親王不恒置於宰臣為加  
官無單置者道在相位時帶司空及罷鎮未命官議者  
不練故事率意行之及制出言議紛然或云便可綜中  
書門下事或云須冊開府及就列無故事乃不就朝堂  
序班臺官兩省官入就列方入宰臣退踵後先退及晉  
天福中以李鑄為司空周廣順初以竇貞固為司徒禹  
珪為司空遂以為例議者不復有云

# 大司空三

原別五土 決九州

並詳大司空二

作地圖 掌邦事

王隱晉書

曰裴秀字季彥為司空作禹貢地域圖事成奏上藏於祕府為時名公

通九澤

居四民

並詳大司空二

造宮室

平水土

鄭玄考工記注曰司空掌營城

郭建邦邑立社稷宗廟造宮室車服器械監百工唐虞以上曰共工

李通識

王梁符

華嶠後漢書曰李通字文元以識記說光武為大司空

赤伏

符素絲節

上詳大司空二

晉起居注曰武帝詔鄭

進有素絲之節宜齊三階之曜

諮政化

勸德風

荀彧

家傳曰顓為司空文帝平蜀議復五等表魏朝使公定  
禮儀中護軍賈充正法律尚書僕射裴秀議官制公遂  
刪定舊文行正式為一代之典書成奏上藏于祕府其  
服色旗幟法駕之式禮樂犧牲柴燎之典拾穉遷毀配  
食之制及于明堂辟雍之儀皆公所議定朝廷歸其美  
公既為台輔德望清重加以留心禮教以年耆多疾不  
數朝見詔使侍中任愷諮問政化所宜行否華嶠後  
漢書曰第五倫雖峭直然常以中興以來二主好更化  
俗尚苛刻正化之本宜先以寬和及為三公值章帝長  
者多怨屢有善政倫上疏褒稱盛美因以勸成德風也

# 數月超百日至

漢書曰朱博字子元以京兆尹數  
月超為大司空范曄後漢書曰

荀爽固辭徵聘不得已  
乃行起家百日至司空

## 三公領中書兼

尚書曰武  
王時毛伯

為三公兼領司空職  
曰張華以中書監兼司空

晉書

## 為柱石掌事典

世說  
曰陸

玩既拜司空有人詣之索杯酒瀉置梁柱之間祝曰當  
今乏材以為柱石莫傾人梁棟耶玩笑曰感卿良歲

周禮曰司空掌事典以平邦國以經百官以生萬民

增掌水土 營城邑 浚

溝洫

修墳防

俱司空職詳在大司徒三責吏事注內

下台司祿大

計元老

上詳大司徒四昭德塞違注內蘇軾呂公著批答云夫司空之官自唐以來雖無職事而孔

子所謂天子有諍臣七人者三公首當之朕欲聞仁人之言與天下之大計非此元老將安取斯

大司空四

原宏父

周書宏父定辟注宏父事官司司空也主廊地居民謂之父者尊之也辟法也言能制其經界以

定法者也

鴈鳩

左傳少昊以鳥名官司鴈鳩氏司空也注云鴈鳩平均故為司空平水土

司

空居人

孔安國曰司空主穿土以居人空穴也古者穿土為穴以居人

司空成禮

家語

曰御天下者以六官司空之官以成禮也注云司空事官也禮非事不立故曰所以成禮也

金印

紫綬

漢百官公卿表云司空唐虞之官也金印紫綬

法錯刑清

古今通語曰使國無枉法

治錯刑清事均民聚者謂之司空

俸同司徒

晉百官表注

祿比丞相

詳大

司空

制五服

見揚雄司空箴

別五土

詳大司空二

上和乾元

詳大司空二漢官解詁云云

下率世俗

典略云今司空缺宜求能臣上以佐聖朝下以率世

俗者水害責之

尚書大傳云水為民害則責司空

地震免之

魯國先賢傳云

孔氏仲淵為司空以地震免

性疾朋黨

漢書曰何武為司空性疾朋黨問文吏必于儒者問

儒者必于文吏以相參檢欲除吏先為科例以防請托其所居無赫赫名去後常見思

數犯嚴

諫

東觀漢記云任隗字仲和拜司空永平初外戚秉權朝臣畏悚莫敢抗者唯隗與袁安同心畢力數犯嚴

諫

乞上印綬

東觀漢記宗湛為司空十四年自乞上印綬賜千石俸

自陳老

疾

後漢書云第五倫肅宗初立擢自遠郡代牟融為司空倫在位奉公盡節言事無所依違吏人奏記及便

宜者亦并封上其無私若此自陳

坐免太守

東觀漢記云馮

模為司空坐隴西太守鄧融免官

坐賣國恩

東觀漢記朱浮為司空賣國恩以為威福

增食不兼味

長孫道生拜司空加侍中性忠厚廉謹衣不華飾食不兼味一熊皮障泥十年不易

時人比之

飯惟脫粟

漢記云荀爽為三公食不過一肉飯惟脫粟

時遊

晏嬰焉

廟堂

宋呂公著平章制曰屢貢封章力求退避朕重失此三益之友而閔勞以萬機之煩又云毋廢議論

時遊廟堂可特授司空平章軍國事一月三赴經筵二日一入朝因至都堂議軍國事

尊禮不

名

分紀云杜佑拜檢校司空同中書門下平章事歲餘乞致仕詔五日三日一入中書平章政事佑每進見

太子尊禮之而不名後數年因乞骸骨許之

忠直不偽 清儉守約

魏孟康表

薦崔林詳

九德純備

詳大司空二

朝廷舊臣

劉琨表薦荀蕃詳大

大司空二

原裴秀定官制

王隱晉書云裴秀為司空刪定官制損益多當皆其所裁禮無

司空

荀顗定禮儀

詳大司空二

當歸馬之朝

奉鴈鳩之

違者

職

任隗玄默守真

袁山松漢書云任隗為司空以玄默守真不求名譽義行內修人以



此服之

# 陳寵溫粹有智

華嶠漢書曰陳寵為司空府故  
事督屬籍不通賓客以防交關

寵去籍通客以明無所不受論者  
大之寵奏議溫粹有智號為明府

# 陳羣至德純粹

曹植

輔臣論曰至德純粹進吐善謀者  
陳司空也按陳司空乃陳羣也

# 宋弘秉政恭約

袁山

松漢書曰宋弘為司空秉政恭約輕財  
重義有公儀子之風不與民爭利也

# 何武號為煩

碎漢書云何武字君卿為司空多所舉奏號為煩碎事  
後母不篤哀帝策免武曰舉措煩苛不合衆心孝聲

不聞惡名流行其上  
上大司空印綬

# 陳羣譏其拱默

魏志云陳羣字長  
文為司空前後數

密陳得失每上封事輒削其草時人及其子弟莫能知  
也論者或譏羣居位拱默正始中詔撰羣臣上書以為

名臣奏議朝士乃見  
羣諫事皆歎息焉

# 彭宣疾病乞歸

漢書曰彭宣字  
子佩為司空王

莽為大司馬專權宣乃上書曰三公鼎足承君一足不任則覆亂矣願上印綬乞骸骨歸鄉里得見親故不填溝壑

### 王朗稱疾讓位

魏志曰文帝踐祚王朗為司空黃初中朗薦光祿大夫楊彪且稱疾

讓位於彪帝乃為彪置吏卒位次三公詔曰朕求賢于君而未得君乃翻然稱疾非徒不得賢反開失賢之路增王鉉之傾無乃居其室出其言不善見違于君子乎君其勿有後辭朗乃起

### 增稟自然之

### 正性 體高雅之弘量

魏志孟康表薦崔林云云詳大司空二

### 先王尚

### 德暉季為司空

左傳云衛使祝駝私于襄弘曰以先王觀之則尚德也昔武王克商成王定之

選建明德以藩屏周武王之母弟八人周公為太宰康叔為司寇暉季為司空五叔則無官豈尚年哉

### 仲尼素王子路為司空

論語摘輔相云仲尼素王以顏淵為司徒以子路為司空也

大司空五

增詩唐李商隱寄太原盧司空三十韻詩曰隋艦臨淮  
甸唐旗出井陘斷鼇堵四柱卓馬濟三靈祖業隆盤古  
孫謀復大庭從來師傑俊可以煥丹青舊旂開東岳雄  
圖奮北溟邪同解豸觸樂伴鳳凰聽酣戰仍揮日降妖  
亦鬪霆將軍功不伐叔舅德惟馨雞塞誰生事狼煙不  
暫停擬填滄海鳥敢競太陽螢內草纔傳詔前茅已勒  
銘那勞出師表盡入大荒經德水縈長帶陰山繚畫屏

只憂非蔡肯未覺有臙腥保佐資沖漠扶持在杳冥乃

心防暗室華髮稱明廷按甲神初靜揮戈思欲醒羲之

當妙選

小弟義叟早蒙眷以嘉姻

孝若近歸寧

三十五丈明府高科來歸膝下

月色

來侵幌詩成有轉櫺羅含黃菊宅柳惲白蘋汀神物龜

酬孔仙才鶴姓丁西山童子藥南極老人星自頃徒窺

管于今愧挈瓶何由叨末席還得叩玄扃莊叟虛悲雁

終童漫識庭幕中雖策畫劍外且伶俜侯侯行忘止鰥

鰥卧不瞑身應瘠於魯淚欲溢為榮禹貢思金鼎堯圖

憶土釧公乎來入相王欲駕云亭

原賛魏楊修司空荀爽述賛曰生應正性體含中和篤  
誠宣於初言明允朗於始察是以在童齠而顯竒漸一  
紀則布名須幼之可師甘羅之少者何以踰公之性量  
乎砥心六經探索道奧瞻乾坤而知陰陽之極載而集  
之獨說十萬餘言士林景附羣英式慕猶毛羽之宗鵬  
鸞衆山之仰五岳也昔楚思叔敖而作歌鄭謳子產而  
興嘆瞻望弗及作詞告思詞曰爰在大漢挺荀作貞其

德允明誕發幼齡行齟體潔如玉之瑩確乎其志乃勵  
乃清遂陟司空天子是毗惟君之德朋寮所咨清水平  
土茂哉是力將混六合繩以正直散以禮樂風以道德  
晉孫綽賀司空循像贊曰公應天縱之德系命世之  
期質與荆玉參貞鑒與南金等照若其好學之性不勸  
而成弱不珍玩雅好博古慨洙泗之邈遠悼禮樂之不  
舉於是覃思深講銳精幽贊雖齊侯之歸孟軻漢王之  
宗仲舒無以加焉贊曰思文公侯誕保休祥素質玉潔

華藻金章總角韞德被褐韜光自昔喪亂鉦鼓日震禮  
樂藏器詩書蒙塵哲人遐慨垂幙澄神仰觀洙泗揚波  
絕津方曜金鉉協贊衡機昊天不弔曾不憖遺縉紳頽  
範皇德莫毗公之云徂華裔同悲

原箴漢揚雄司空箴曰普彼坤靈侔天作則分制五服  
劃為萬國乃立地官空惟是職烈烈僞人翼翼王臣臣  
當其官官當其人九一之政七賦以均昔在季葉班祿  
遺賢培克充朝而象恭滔天匪人斯力匪政斯勅流貨

市寵而苞苴是鬻王路斯蕪孰不傾覆空臣司土敢告  
在側

原銘後漢蔡邕東海銘曰橋玄為司空公越在先民毗  
佐天子罔不著其股肱畢其思心式率天行式昭德音  
原表宋謝莊東海王讓司空表曰臣側觀前載與窺洪  
典三事之授惟帝其難臣乘少藉長久分踰涯量出滿  
入泰每究榮光不悟乾燭方遠義路同遺下參弘化上  
尸變理自非德仞具瞻聲堪民詠未有妄臻此澤空集



茲靈 齊孔稚圭為王敬則讓司空表曰故李通豪贍  
以親寵登司王基才勇與聲華入選先帝擢臣以榮華  
陛下伸臣以富貴遂行北帶五州東跨六郡內亞三鼎  
外齊四嶽蟬佩之映則左右交暉龜組之華則縱橫吐  
耀輕輪徐動則劍戟如雲飛蓋暫停則鼓鐘成列擬金  
龍吹鬱其前鳴笳鳳管疊其後鄧禹若不遭漢光則南  
陽之掾吏微臣若不逢明聖則孤城之戍客豈可加以  
正台之席登以論道之寄啓黃扉而燮五緯躡青幃而

調四序 梁劉孝儀為臨川王斛司空表曰臣以庸薄

繆竊隆重職班三事任總六條衣袞坐槐既闕論道馳  
傳憇棠尤慙為政而俯司土地仰燮陰陽棟橈之機已  
彰愆伏之咎爰著今水沴乃作旱魃為災山無蒼蔚雲  
成煙火陛下曲私未垂策免臣職是當逖責乞降茲台  
步協此天人 江淹為齊高帝讓司空表曰臣聞日發  
星迴昊天無以爽其節山盈川冲厚地不能虧其度陛  
下渟若鏡之明流如雲之暖方求士於版巖宜思賢如

蜀肆 北齊邢子才為司空景讓表曰屬平分廣施造物多品長短入用小大見收連采台階堪均鼎足昨者謫見垂象災起潛伏此之為累匪直微躬

原碑後漢蔡邕司空袁逢碑曰凡所臨君明而先覺故能教不肅而化成政不嚴而事治其惠和也晏晏然其博大也洋洋焉信可謂兼三才而該剛柔無射於人斯矣銘曰天鑒有漢賜茲世輔顯允厥德昭胤休緒我我雍宮禮樂備舉穆穆天子孝敬允敘降拜屏著奉饋西

序威儀聿修化溢區宇乃尹京兆總齊禁旅 又為司

空房楨碑銘曰公言非法度不出於口行非至公不萌  
於心治身則伯夷之潔也儉嗇則季文之約也盡忠則  
史魚之直也剛平則山甫之勵也總茲四德式是百辟  
夙夜匪懈以事一人枉絲髮樹私恩不為也討無禮當  
彊禦弗避也是以功隆名顯在世孤特不獲愷悌寬厚  
之譽享年垂老至於積世門無立車堂無宴客衣不變  
裁食不兼味雖易之貞厲詩之羔羊無以加也明明在

公實惟房后誕應正德式作漢輔邪慝是仇直諒是與  
剛則不吐柔則不如媚茲天子以靖土宇 晉潘岳司

空鄭衮碑曰陳謨台階翼和鼎寶顯迹成於臺省清風  
暢於所蒞故能老安少懷遠至邇親凡厥縉紳之士所  
以挹酌洪流含咀英芳者猶旱苗之仰膏雨湛露之晞  
朝陽也銘曰於鑠元侯則天垂象弘操嶽峻宇量深廣  
允恭克讓宣哲清朗有始有卒可大可久言由忠信行  
履孝友光光金貂再冠其首赫赫皇符仍拆其部義格

皇穹德冠羣后清風顯烈沒而不朽 孫綽庾司空水

碑曰君喻嵩巖之元精挹清瀨之潔流貞質謀於白珪  
明操勵於南金雖名器未及而任盡臣道正身提衡銓  
括百揆知無不為謀必鮮過端委待旦則有心宣孟以  
約訓儉則擬議季文君平衡無私鳴謙寡欲當世之所  
難於君易之矣於是慨然遠鑒量已而退高揖帷幙投  
迹藩屏夫良玉以經焚不渝故其貞可貴竹柏以蒙霜  
保榮故見殊列樹治而不亂者有矣未有亂而彌治者

也考終以正始即事以徵心少長能一其度貴賤不二  
其道文康之雅量於是乎弘著矣銘曰洋洋俊穎巖巖  
神嵩流滌淳氣頗扇祥風篤生公侯情靈德充臨川擬  
潔仰華思崇履險思夷處滿思冲方恢遠猷皇極是贊  
繁霜夏被修梧摧幹人之云徂朝野咸歎儀型永戢光  
風長煥 梁劉孝綽司空安成康王碑曰昔者重華文  
命並胄高陽之苗豐邑舂陵俱纂帝堯之緒而虞夏革  
運姚姒之姓已分高光再興大漢之名無改如我皇家

梁齊代建異文叔之紹開起自王族非伯禹之更姓公  
則本枝別幹誕自河嶽五百之期實應命世卜商有問  
是謂色難承志望顏在公斯易至於文琰之對食餘幼  
權之言爵里衛子之朗月映山杜生之凝脂點漆惟公  
具美歷駕前修我我焉非嶽陵之所至浩浩焉總江漢  
而為長故能擊水三千搏風九萬排天闕而俯眊掩浮  
雲而上征皇帝甄名挺聖河洛有徵握衡含樞奄一時  
夏利建藩屏固葉深根邨霍鄠方周啟祚封公為安



成王食邑二千戶允同衛叔賜寶器於商郊殊異唐侯  
戲桐珪於汾水乃拜公為平西將軍荊州刺史楚之對  
齊屈完引城池之固荆之比宋墨翟陳輦路之殊品金  
作貢不異淮海維揚珠璣犀象又無求於晉國況以雲  
夢九百之宏侈章華三休之巨麗公禦煩以寡居高而  
降執冲虛之道無矜滿之情其為政也莊敬足以範物  
慈惠足以庇民剛毅足以威暴清貞足以勵俗天監十  
七年薨春秋四十有五凡我庶民竊親高義況復祇承

帝命來仕王家兔園晚春叨從者之賜高唐暮天奉作  
賦之私常懼慶雲之會不酬而搖落奄至豈謂輕塵之  
效莫展而峻極先頽思以立言貞石貽厥長世銘曰昔  
在文昭五賢二聖漢藩魏屏微風不競於赫我梁德符  
姬姓康王康叔異時同盛爰自妙年令問不已一孝一  
弟實光行始義府文場詞人髦士波瀾莫際墻仞難窺  
用茲先覺薰此後知德大心小居高志卑再握不倦三  
吐忘疲飛龍在天肇基宛瀆地猶小睇民同世復皇情

瞻正屬難推轂允矣宗英移藩改牧誰謂路永江漢已  
浮彼蒼不惠遽反成周川迴沂軸塗引歸旒

原墓誌宋謝莊司空何尚之墓誌曰遠源長瀾自晉徂  
韓潛川韜玉霍岫騰鸞處華民瞻出光帝難寂寞壽仁  
茫昧報施調於飪歸經難褰寄掩映流芳烟煴作義

陳徐陵司空章昭達墓誌銘曰周原膺膺佳氣蔥蔥王  
業攸興帝圖是盛在昔光武佐命鄰縣者鄧侯高祖元  
臣同郡者蕭相公台輔之量便著綺紈瑚璉之姿無待

雕琢起家為東宮直前所奉之君則梁簡文皇帝既而  
黑山巨盜憑陵上國白水彊胡虔劉中夏公傾其產業  
募是驍雄思報皇儲累殲鯨寇屬幽風有象代邸方隆  
搜荆楚之英才資班輸之妙略百樓忽起登雲霄而俯  
臨萬弩俱張隨雷霆而並震揚兵於九天之上決勝於  
千里之中殪彼羣兇皆無旋踵陳寶應志懷反叛客引  
周迪資其食力更事窺窬公奉詔崇朝飲冰將力前茅  
後勁步驟奔馳仍向甌閩殄其巢窟若夫鳴蛇之洞深

谷隱於蒼天飛猿之嶺喬木參於雲日宜越艇而登嶠  
蒙燕犀而涉江威武紛紜震山風海於是咸俘偽帥悉  
據高墉爰泊滄溟莫不懲艾既而齊人無信將謀郢藩  
鬪艦戈船窺江淹漢公纔聞羽檄遽稟師期馳襲荊鄆  
應時燒蕩方欲宣威隴汧大討梁華屬上將之韜光逢  
中台之掩曜大建三年薨於軍幕爾乃青烏相墓白鶴  
標墳林有逃車樹同華蓋前旂熊軾後乘龍輻介士發  
三河之民哀鏡同駟馬之曲長安傳坐恩禮盛於西京

襄陽隋淚悲慟喧于南峴

原諫後漢張衡司空陳公諫曰敬仲初育發絲卜筮鳳  
飛觀國流光末裔天祿明德德茂於公入孝出友爰肅  
爰邕兼學多識窮理知幾德音孔昭翻爾灰飛賦政二  
城還集皇闡公實省之亶亶庶績公實靜之藹藹百寮  
公實愍之乃陟司空纂禹之蹟導揚徽庸致訓京畿協  
和萬邦萬邦既協殊服來同眇論前績莫與比蹤

原行狀梁任昉齊司空曲江公行狀曰公稟靈景宿擅

氣中和一匱初登東嶽之功可監埏埴在器瑚璉之姿  
先表豈惟荆南有聖童之目襄城著孔甫之稱而已哉  
故以羽儀宗家冠蓋後進叔路之一日千里北海之稱  
美共治方斯茂如也志學之年徧治經記登降千載網  
羅百氏藻斲<sup>言</sup>逸蔚為詞宗延賈誼而升堂攜相如而  
入室加以翰牘精辯發言有章持論從容辭無矜尚自  
河洛丘墟歷載二百俾我逢掖遂淪左袵晉宋所以遺  
恨祖宗是用顧懷公自荷方任志在尅復將欲使功遂

之日身退有所爰乃卜宇金陵縈帶林壑用辭聊城之  
賞以為疏韓之館人謝運往遂輟遠圖 又沈約齊司  
空柳世隆行狀曰公稟靈華嶽幼挺珪璋清襟素履發  
乎齟𦵏及長風質洞遠儀止祥華動容合矩吐言被律  
時沈攸之狼據陝西氣陵物上而太祖登庸作宰天厯  
在躬攸之播封豕之情總全荆之力兕甲百萬鐵馬千  
羣水陸長驚志窺皇邑公抗威川渚勇略紛紜顯晦有  
方出沒無緒攸之乃反旆亘闡親受矢石增櫓乘埤嚴



衝駕雉雲輶俯闕地穴斜通半藏晚食負戶晨汲公乃  
綏衆以武應敵以奇靈鋒電曜威策雲舉事切三版之  
危氣損九天之就殘寇外老逆黨內摧焚舟委甲掬指  
宵遜公風標秀徹器範弘潤茂乎辭彩雅善鼓琴摘純  
蔡之高芬纂鍾稭之妙曲雖嬰拂世務而素業無改臨  
姑蘇而想八桂登衡山而望九疑七紆邦組三臨蕩甸  
五職瑞扇一司百揆固可以齊衡八凱方駕五臣

原制唐元稹授劉悟檢校司空幽州節度使制曰朕聞

將星明則英豪用靈旗指則妖祲消勁草可以受疾風  
盤根然後見利器苟非處劇何以用長沉幽并少年燕  
趙奇士居常以紫騮自騁失意則白刃相仇將領斯難  
是先才傑昭義軍節度副大使知節度事澤潞磁邢洺  
等州觀察制置使金紫光祿大夫檢校尚書左僕射兼  
潞州大都督府長史御史大夫上柱國彭城郡王食邑  
三百戶劉悟天與忠誠人推敬讓蘊孟賁之勇不以力  
間避廉頗之強使之心服是以居危邦而智免臨大節

而功高嘗見委於先朝屢作藩於右地朕以遼陽巨鎮  
自我底寧姑欲撫之以仁然後示之以禮而守臣嬰疾  
幕吏擅權撓政行私虧恩剥下過為捶楚妄作威稜不  
均饗士之羊但養乘軒之鶴致茲撓變職此之由不有  
將材孰懲兇戲敷求朕志深謂汝諧是用拔奇式冀宣  
力帖以亞相寵之上公俾光十乘之行以壯三軍之氣  
可檢校司空兼幽州大都督長史御史大夫充幽州契  
丹兩蕃經略盧龍等使散官勲封如故

# 大司寇

詳見刑部尚書

原掌三典刑邦國

周禮秋官大司寇之職掌建邦之三典以佐王刑邦國詰四方一曰刑新

國用輕典二曰刑平國用中典三曰刑亂國用重典鄭注典法也詰謹也

以五刑糾萬民

大司寇職云以五刑糾萬民一曰野刑上功糾力二曰軍刑上命糾守三曰鄉刑上德糾孝四曰官刑上能糾

職五曰國刑上愿糾暴

以兩造禁民訟

大司寇職云以兩造禁民訟入束矢于朝然後

聽之鄭注曰訟謂以財貨相告者造至也使訟者兩至既兩至使入束矢乃治之也矢者取其直也

以

兩劑禁民獄

大司寇職云以兩劑禁民獄入鈞金三日乃致于朝然後聽之鄭注劑今券書也使

獄者各齎券書既兩券書使入鈞金又三日乃治之重刑必入金者取其堅也三十斤曰鈞

以嘉

石平罷民

大司寇職云以嘉石平罷民凡萬民之有罪過未麗于法而害于州里者桎梏而坐于嘉

石文石也樹之外朝右平左城使之善也

以肺石達窮民

大司寇職云以肺石達窮民凡

遠近惇獨老幼之欲有復于上而其長弗達者立于肺石三日士聽其辭以告于上而罪其長鄭注云肺石赤石也窮民民之窮而無告者

以邦典定之

大司寇職云凡諸侯之獄訟以邦典定之鄭注

云邦典六典也以邦典待邦國之治

以邦成弊之

大司寇職云凡庶民之獄訟以邦成弊之

大祭祀奉犬牲若禋祀五帝則戒之日蒞誓百官戒于百族鄭注戒之日卜之日也百族謂府史以下也郊特牲曰卜之日王立于澤親聽誓命獻命庫門之內戒百官也太廟之內戒百姓也

蒞其盟書

大司寇職云凡邦之大盟約蒞其盟書而登之于天府鄭注云蒞臨也天府祖廟之藏

蒞戮于

社

大司寇職云大軍旅涖戮于社鄭注曰社謂社主在軍者也書曰不用命戮于社

戮于兩

觀之下

家語云孔子為魯司寇朝政七日而誅亂政大夫少正卯戮于兩觀之下尸于朝三日

不敢朝飲其羊

家語云初魯之貶羊有沈猶氏者常朝飲其羊以詐市人有公慎氏者妻淫不

制有慎潰氏者奢侈踰法魯之鬻六畜者飾之以儲價及孔子之為政也則沈猶氏不敢朝飲其羊公慎氏出其妻慎潰氏越境而徙三月則鬻牛馬者不儲價賣羊豚者不加飾男女行者別其塗道不拾遺男尚忠信女尚貞順四方客至於邑者不求有司皆如歸焉

御定淵鑑類函卷六十七

欽定四庫全書奮要卷一萬一千五百十六

子部

御定淵鑑類函卷六十八

設官部八

丞相司直

丞相長史

三師三公

以下

官屬總裁

司馬

從事中郎

掾

屬

功曹

主簿

公府祭酒

錄事參軍

記室

參軍

中兵參軍

行參軍

參軍都護

公府

舍人附

參軍

丞相司直一

原杜氏通典曰丞相司直漢武元狩五年置掌佐丞相舉不法位在司隸校尉上後漢罷丞相光武以武帝故

事置司徒司直居司徒府助司徒督錄諸州郡所舉上  
奏司直考察能否以徵虛實建武十一年省獻帝建安  
八年復置司直不屬司徒掌督中都官不領諸州九年  
詔司直階比司隸校尉坐同席在上假傳置也伏湛字  
惠公光  
武以湛才任宰相拜  
為司直行人司徒事  
從事各部一州秩二千石準丞相司直

## 丞相司直二

原朝廷憚之

漢書翟方進為丞相司直旬歲間免兩司  
隸朝廷由是憚之丞相薛宣甚器重焉常



誠掾吏謹事司直翟君必在相位不久也案旬歲猶言滿歲若十日之一周

百寮憚之

東觀

漢記杜林遷大司徒司直百寮知林以明德用甚敬憚之

方進免涓勲

漢書翟方進字子威

為丞相司直初方進新視事而涓勲亦初拜為司隸不肯謁丞相御史大夫後朝會禮節又倨方進陰察勲私過光祿勲辛慶忌又出逢帝舅王商下車立須過乃就車於是方進舉奏勲輕慢宰相賤易上卿慶忌屈節失度邪調無常請

劉隗劾王含

晉中興書劉隗字文連為丞相司直時南中郎

下丞相免官

王含以族強顯貴驕傲自恣一請參佐及守長二十許人多取非其才隗劾奏文致甚苦事雖被寢王氏深忌嫉之隗之彈奏不畏強禦皆此類也

彈奏不畏強禦

劉隗詳上

所糾多見

採用

虞預晉書劉隗為丞相司直在朝多所糾彈雖上不盡從多見採用也

王良節儉

妻子不入官舍

續漢書王良字仲子拜大司徒司直在位恭儉妻子不入官舍布被瓦器無兼

膳節儉

過度

宣秉篤義祿奉收養宗族

又云宣秉字巨公拜大司徒司直清

白篤義得祿收

養內外宗族也

### 丞相長史一

原杜氏通典曰丞相長史漢文帝二年置一丞相有兩

長史

漢百官表云丞相有兩長史而張湯傳云殺臣者三長史也顏師古曰兼有守者非正員故耳

蓋

衆史之長也職無不監

田仁為丞相長史上書言天下太守皆下吏誅死武帝悅拜仁

為丞相司直

介憤進賢一梁冠朱衣銅印黃綬劉屈氂

威振天下

為左丞相分丞相長史為兩府以待天下遠方之選

待得

賢人當拜為右丞相

後漢建武中省司直有長史一人魏武為丞

相以來置左右二長史而已丞相諸曹史掾屬三十御

屬一魏武為丞相置徵事二人

建安十五年初置徵事二人以邴原王烈選補

之舊有東西曹自魏武大軍還鄴乃省西曹

時毛玠為東曹掾與

崔琰並典選舉請謁不行時人憚之及議併省咸欲省東曹皆曰舊西曹為上東次之宜省東曹也魏武知其情令曰日出於東月盛於西凡人言方亦復先東遂省西曹

及咸熙中司馬昭為相

國相國府置中衛驍騎二將軍左右長史司馬從事中

郎主簿舍人參軍東西曹及戶賊金騎兵車鑠水集法  
奏倉士馬媒等曹掾屬凡二十四人晉元帝以鎮東大  
將軍為丞相丞相府置從事中郎分掌諸曹有錄事中  
郎度支中郎三兵中郎其參軍則有諮議參軍二人主  
諷議事江左初置軍諮祭酒有錄事記室東曹西曹等  
十三曹其後又置七曹宋武帝為相合中直兵置一參  
軍曹則猶二也

其小府不置長流參軍者置禁防參軍  
蜀丞相諸葛亮有行參軍晉太傅司馬

越府又有行參軍兼行參軍後漸加長兼字除拜則為  
參軍事府板則為行參軍晉宋以來參軍各有除板行

參軍下則長兼行參軍

又有參軍督護東曹督護二督護江左置

增唐以後無 文獻通考列尚書都司及檢正為宰

相屬官今見尚書左右司郎中門

## 丞相長史二

原銅印墨綬

晉百官表注云太宰長史銅印墨綬朝服進賢兩梁冠品第六俸五十斛

秩

皆千石

續漢百官表云太尉司徒司空諸將軍長史各一人秩皆千石

毗佐三台助

鼎和味

漢官儀云太尉司徒長史秩比二千石號為毗佐三台助鼎和味

差次九品

銓衡人倫

千寶司徒儀云左長史之職掌差次九品銓衡人倫也

職無不監

詳通

典

掌察郡吏

千寶司徒儀云左長史職掌佐公修文政檢其法憲明其分職掌察郡吏

徐弈統留事

魏志云太祖為丞相征張魯留徐弈為丞相長史鎮撫西京出為魏郡太守太祖征

孫權徙為留府長史謂弈曰君之忠亮古人不遇也

杜襲為留府

魏志杜襲傳云太祖東還

當選留府長史鎮守長安主者所選多不當太祖令曰釋騏驥而不乘焉皇皇而更索遂以襲為留府長史駐關中心如鐵石魏武故事載今日領長史王必是吾披

人似南金

晉中興書丹陽薛錄云薛襲字

良吏也故教辟之已署所宜便以領長史統事如故

伯長才長可用

山公啓事太尉長史

也遷丞相長史恪勤王事

張勅軍間用長

又云鎮

缺案鎮東大將軍大掾泰山

胡口才長可用伯長口字也

缺案尚書郎

張勃云云

鄧殷有文武才

又云太尉長史鄧殷通識有文武才為北中郎

將長

耿遷有器幹

又云北中郎長史當更前御史耿遷云云

吳良方正

東觀漢記云吳良為司

傅咸執正

王隱晉書云傅咸為司徒左長史多

所執正也

諸葛舉張裔

蜀志云張裔至蜀丞相諸葛亮以為參軍署府事又領益州治中從

事亮出駐漢中裔以射聲校尉領留府長史常稱曰公賞不遺遠罰不阿近爵不可以無功取刑不可以貴勢免此賢愚之所以

劉弘知陶侃

晉書云劉弘為鎮南將軍荊州軍事弘遣

僉忘其身者也

南蠻長史陶侃為大都督

卿宜節飲

晉中興書陳留阮錄云阮孚字遥集琅邪王褒為車騎特

軍鎮廣陵高選綱左以孚為長史帝謂曰卿既統軍府郊壘多事宜節飲也

慨然而退

晉書

曰劉驎之字子驥車騎將軍桓冲聞其名請為長史驎之固辭不受冲嘗到其家驎之於樹條桑使者致命驎之曰使君既枉駕光臨宜先詣家君冲聞大愧於是乃造其父父命驎之然後方還拂短褐與冲言語父使驎之於內自持濁酒蔬菜供賓冲數人代驎之斟酌父辭曰若使從者非野人意也冲慨然至昏乃退

### 三師三公以下官屬總裁

原杜氏通典曰三師

太師太傅太保歷代多有之

一太

殷建官有六太其一曰太

宰自周以後亦常有之餘五太則無

三公

太尉司徒司空歷代有之

二大

大司馬大將軍歷代亦有

之諸位從公

諸將軍及光祿大夫開府者歷代亦時有之

官屬等

歷代有置有省亦多

同說所以不更各具本府但依前代都言之其大將軍自具本篇

漢有三司而不見



官屬以丞相為公置司直長史後改丞相為司徒則曰

司徒司直長史

具宰相篇

其太尉後改為大司馬綏和初始

置長史一人掾屬二十四人御屬一人令史二十四人

改御史大夫為大司空置長史如中丞

具御史大夫篇

後漢

初惟置太傅有長史一人掾屬十人御屬一人

不知何曹

後

置太師董卓嘗居之蓋自為也而不見官屬太尉官

屬有長史一人署諸曹事

盧植禮注曰如周小宰

掾史屬二十四

人

分主二千石長史遷除遷民戶祠祀農桑奏議詞訟郵驛轉運盜賊罪法兵貨幣鹽鐵倉穀等事

黃

閣主簿

省錄衆事掌閣下威儀

記室令史

掌上章表報後漢末陳琳阮瑀皆為曹操記室

軍國書檄皆所作

御屬

掌為公卿閣下威儀

司徒屬官有長史一人掾

屬三十一人令史及御屬三十六人

正曰掾副曰史

司空屬

官長史一人掾屬二十九人令史及御屬二十二人

正曰

掾副曰屬漢書注云公府掾比古元士三命者也或曰漢初掾史辟皆上言之故有秩皆比命士其所不言則為百石屬其後皆自辟除故通為百石云

大司馬屬官並同前漢

魏置

太傅太保而不見官屬太尉司徒司空有長史司馬從

事中郎正行參軍大司馬亦有正行參軍也 晉有太

宰太傅太保惟楊駿為太傅增祭酒為四人掾屬二十

人兵曹為左右也

楊駿輔政引潘岳為太傅主簿初譙人公孫宏客於河陽岳待之甚厚及

駿誅宏為楚王瑋長史凡駿紀綱皆從坐同署主簿已被戮宏言於瑋謂岳為假吏故得免

太宰太

保官屬不見太尉司徒司空並有長史司馬太尉雖不

加兵者吏屬皆絳服 太始三年又置太尉軍參軍六

人騎司馬五人官騎十人而司徒加置左長史掌差次

九品銓衡人倫冠綬與丞相長史同主簿左右東西曹

掾各一人若有所循行者增置掾屬十人

武帝時司徒奏州郡農桑

未有賞罰之制宜遣掾屬循行詔遂使司徒督察州郡播殖若有所循者增掾屬十人又溫嶠請司徒置田曹

掾州一人

初王渾

字元冲

遷司徒仍加兵渾以司徒文官

勸課農桑

主吏不持兵及吏屬絳衣自以非是舊典皆令阜服論者美其謙而識禮司空府加置導橋掾一人餘略同

武帝咸寧初詔以前太尉府為大司馬府增置祭酒二人帳下司馬官騎大車鼓吹左右光祿光祿三大夫開府者皆為位從公品秩俸賜儀制與諸公同加兵者增

置司馬一人從事中郎二人

劉琨為司空以盧諶為從事中郎

主簿記

室督各一人舍人四人兵鎧士曹營軍刺姦帳下都督

外都督令史各一人

主簿以下令史以上皆絳服

司馬給吏卒如長

史從事中郎給侍二人主簿記室都督各給侍一人其

餘臨時增崇者則褒加各因其時為節文不為定制

其祭

酒掾屬白蓋小車七輅車施耳後戶卑輪犢車各一乘自祭酒以下令史以上皆卑零辟朝服

其為持

節都督者增參軍為六人其餘如常加兵公制

孫楚字子荆為

佐著作郎參石苞驃騎軍事楚既負其才氣頗侮易苞初至揖曰天子命我參卿軍事初參軍不敬府主楚既輕苞遂制施敬自楚始也

宋有太傅太保太宰太尉司徒司空大

司馬諸府皆有長史一人將軍一人又各置司馬一人而太傅不置長史掾屬亦與後漢略同自江左以來諸公置長史倉曹掾戶曹屬東西閣祭酒各一人主簿舍人二人御屬二人令史無定員領兵者置司馬一人從事中郎二人參軍無定員加崇者置左右長史從事中郎四人掾屬四人則倉曹增置屬戶曹置掾加崇極於此也其司徒府若無公惟省舍人其府常置其職寮裏於餘府有左右長史東西曹掾屬餘則同矣餘府有公

即置無則省 齊有太宰大司馬並為贈官無寮屬太

尉司徒司空是為三公特進位從公諸開府儀同三司  
位從公開府儀同如公凡公督府置佐長史司馬各一  
人諮議參軍二人諸曹有錄事功曹記室戶曹倉曹中  
直兵外兵騎兵長流賊曹城局法曹田曹水曹鎗曹集  
曹右戶十八曹局曹以上署正參軍法曹以下署行參  
軍各一人其行參軍無署者為兼員其公府佐吏則從  
事中郎二人倉曹掾戶曹屬東西閣祭酒各一人主簿

舍人御屬二人加崇者則左右長史四中郎掾屬並增數其未及開府則置亦有佐吏其數有減小府無長流置禁防參軍初晉令公府長史著朝服自宋大明以來

著朱衣

齊王儉為司徒左長史請依晉令復舊制不著朱衣時議不許又曰王秀之嘗云位至司徒

左長史可以知止足矣又陸慧曉為司徒右長史謝朓為公府左長史竟陵王子良謂王融曰我府二上佐前代誰可比融曰兩賢同侍未有前例朓滂佩反

梁武帝受命之初官班多

同宋齊之舊有丞相太宰太傅太保大司馬太尉司徒司空開府儀同三司等官諸公及位從公開府者置官



屬有長史司馬諮議參軍掾屬從事中郎記室

建安王為雍州

未求管記乃以江革為征北記室參軍革弟觀又為參軍兼記室任昉曰文房之任總卿兄弟故歷代皆為文

士之華

選云主簿列曹參軍行參軍舍人等官其司徒則有

左右二長史

褚球字仲實為司徒右長史加貂台佐加貂自球始也

又增置左西

掾一人其餘寮佐同於二府有公則置無則省而司徒

無公惟省舍人餘官常置開府儀同三司位次三公左

右光祿大夫優者則加之曰三公置官屬陳三師二

大並為贈官而無寮屬其三公有府長史司馬諮議參

軍從事中郎掾曹屬主簿祭酒錄事記室正參軍板正參軍 後魏三師無官屬後又置太宰以元天穆為之

增置佐吏三公及二大並有長史司馬諮議參軍從事

中郎掾屬主簿錄事參軍功曹記室戶曹中兵等參軍

諸曹行參軍事長兼行參軍都護

其太尉司徒為二大屬官皆同惟司空府

官每降一階

北齊三師二大三公各置長史司馬諮議參

軍從事中郎掾屬主簿錄事功曹記室戶曹倉曹中兵

騎兵長流城局刑獄等參軍事東西閣祭酒及參軍事

法墨田水鎧集士等曹行參軍督護等員

司徒則加左右長史

長史

主吏

司馬

主將

舍人

主內閣

皆自秦官也從事中郎

漢末官也

陳湯為大將軍王鳳從事中郎在主簿上所掌秩與長史同

掾屬

主諸曹事

主簿

所主與舍人同

祭酒所主亦同

令史

主諸曹文書

此皆自漢官也

陳湯為大將軍王鳳從事中郎是也

御屬參軍自後漢也

孫堅參驃騎軍事是也參軍所主與掾屬同

其儀同三

司如開府者亦置長史以下官屬而減記室倉城屬田

水鎧士等七曹各一人

其品亦下三公府一階其三師三大佐吏則同太尉府也

後周以太師太傅太保為三公而不見寮屬 隋三師

亦不見官屬而三公依北齊置府寮後省府及寮佐置

公則坐於尚書都省朝之衆務總歸臺閣 唐三師三

公並無官屬 增文獻通考曰宋亦如之 元明並無

司馬

原修武政 簡軍旅

千寶司徒儀云司馬之職掌佐公修武政簡其軍旅飭其器械也

李鎮才良方用

山公啓事云平南司馬缺案琅邪李鎮綱紀郡事練習兵馬良才也

趙虞軍間用長

山公啓事云北中郎將司馬當便選尚書郎趙虞誠篤有略軍間用長

岍憤嘯詠

世說云桓宣武作荊州謝奕為司馬既上猶推布衣之好奕在溫坐岍憤嘯詠無異常時

因酒縱狎

晉書云謝奕與桓溫善溫辟為安西司馬奕每因酒無後朝廷禮常逼溫飲溫走入

南康主門避之主曰君若無狂司馬我何由得相見奕遂携酒就廳事引溫一兵帥共飲曰失一老兵得一老兵亦何所怪溫不之責

## 從事中郎

原職參謀議

續漢書百官志云太尉從事中郎二人秩六百石本注曰職參謀議

維正

大體

千寶司徒儀云從事中郎之職分曹網紀其事維正大體

鄭達志越其儔

三輔

法錄云鄭達字文信累辟不就大將軍何進表為從事中郎達志越其儔云云

山簡不拘品

位

鎮東大將軍司馬佃表曰從事中郎缺用第三品中散大夫河內山簡清精履正才識通濟品儀第二也

棗據通識

王隱晉書云太尉中郎棗據通識有文武才案棗據本姓棘其先避仇改焉據美容

貌善文辭弱冠辟大將軍府出為山陽令有政績遷尚書郎轉右丞賈充伐吳請為從事中郎軍還徙黃門侍

郎

荀組才識

晉書云荀組字大章弱冠太尉王衍見而稱之曰夷雅有才識初為司徒左西

屬補太子舍人司徒

王渾請為從事中郎

劉道真為扶風王所用

晉百官名曰劉

寶字道真高平人晉書曰寶嘗為司徒扶風王駿以五百疋布贖之用為從事中郎也

阮遥集

為元皇帝優容

晉書云阮孚字遥集元帝以孚為安東參軍蓬髮飲酒不以王務嬰心時帝既

用申韓以救世而孚之徒未能棄也雖然不以事任處之轉丞相從事中郎終日酣縱恒為有司所案元帝每

優容

之

掾

原公府掾比元士

續漢書百官志云公府掾比古元士三命者也

東西曹掾

比四百石

又云漢舊制東西曹掾比四百石餘掾比三百石屬比二百石

三公喉舌

崔實政論云三公則天子之股肱掾屬則三公之喉舌

朝廷為榮

又曰三公掾屬位卑職重

在朝廷以為榮

如師弟子日錄不拜

漢舊儀曰丞相掾史見禮如師弟子日錄不拜

敦明教義肅厲清風

千寶司徒儀云掾屬之職敦明教義肅厲清風非禮不言非法

不行以訓羣吏以重朝望名常當其理者也

以訓羣吏以重朝望

見上

公

辟則輕臺除則重

胡伯始漢官儀云初丞相掾史負七人分為東西曹秩六百石漢末公辟

則輕臺除則重

期月長州郡數年至公卿

崔寔政論三府掾屬及其取官又多

超卓或期月而長州郡或數年而至

邴原守訓典

魏志

公卿職不假非其人口負牒而亡也

云太祖辟邴原為司空掾原女早亡時太祖愛子蒼舒

亦歿太祖欲求合冥婚葬原辭曰合葬非禮也原之所

以自容于明公公之所以待原者以能守訓典而

高

不易也若聽明公之命則是凡庸也太祖乃止

柔明憲典

魏志云高柔字文惠為尚書郎轉拜丞相理曹掾太祖令曰夫治定之法以禮為首撥亂

之政以刑為先昔舜流四凶族皋陶作士漢祖除

陳

秦苛法蕭何定律掾清識平當明於憲典勉恤之

寵科條辭訟

漢雜事云陳寵為司徒鮑昱府掾是時三府掾屬專務交遊以不肯視事為高寵獨

勤心物務數為昱陳當世便宜昱高其能轉為辭曹掌天下獄訟其所平決無不厭服衆心時司徒辭訟久者



數十年事類溷錯易為輕重不良吏得生因緣寵為昱  
撰辭訟比七卷決事科條皆以事類相從昱奏上之其

後公府奏

班彪專心述作

後漢書云班彪字叔皮辟司徒掾既才高而專心述

以為法

作在史

典定文義

桓譚新論茂陵周智孫胡不為賦訟金應之分為大司徒掾典定文

籍之間

義

舉奏刺史

後漢書云第五種字興先少勵志義為吏冠名州郡永壽中以司徒掾清詔使

冀州廉察災害舉刺史二千石以下所刑免甚衆棄官奔走者數十人還以奉使稱職拜高密侯相遷兗州刺

史中

論議抗直

後漢書云何敞字文高元和中辟太尉宋由府由待以殊禮敞論議抗直

常侍

常引大體多所匡正司

論議正色

魏志云國淵字子尼太祖辟為司空

徒袁安亦深敬重之

掾屬每於公朝論議常

陳祖榮常獨視事

陳寵字祖榮事見前

直言正色退無私焉

鍾離意為國用心

後漢鍾離意別傳云司徒侯霸辟意署議曹掾以詔送獄徒三百餘

入到河北時盛寒徒病不能行輒移屬縣作徒衣服上書言狀光武曰何乃為國用心至此

倪寬

溫良

史記倪寬傳云寬為人溫良有廉智張湯以為長者數稱譽之及湯為御史大夫以寬為掾舉侍御

史見上語經學上說之

王述簡貴

晉書云王述字懷祖司徒王導辟為中兵屬嘗見導每發

言一坐莫不贊美述正色曰人非堯舜何得每事盡善導改容謝之謂庾亮曰懷祖清貞簡貴不減祖父但曠

淡微不

劉遐宰士之儔

山公啓事云太尉掾滿奮樂廣司徒掾何幼劉琚司空掾

及耳

官粹王正劉澹太尉掾劉遐有才事義宰士之儔也

劉琚宰士美者

又云今尚書郎御史

東宮洗馬舍人多缺宰士中後進美者太尉掾樂廣司徒掾劉琚王瓚司空掾王正劉澹征西大將軍掾葛口

皆其選也按廣字彥輔珣字伯瑜  
贊字正長正字士則澹字初平

范滂有澄清之志

汝南先賢傳云滂字孟博辟公府掾  
登車攬轡慨然有澄清天下之志

馬良有克終之

美

蜀志云馬良字季常先主辟為左將軍掾後遣使吳  
良謂諸葛亮曰今銜國命協睦二家幸為良介於孫

將軍亮曰君試自為文良即為草書曰寡君遣掾馬良  
通聘繼好以紹昆吾豕韋之勲其人吉士荆楚之令  
于造次之華而有克終之美願降  
心存納以慰將命孫權敬待之

鮑宣質直

漢書張禹奏云

司空掾鮑宣孝弟廉潔質直  
甚有威重宜備諫官者也

劉琨雋朗

王隱晉書云  
劉琨字越石

少雋朗乃是故尚書郎郭奕  
外甥年二十九為太子掾

太子未定太祖問邢顒

魏志云邢顒字子卿為丞相東曹掾初太子未定臨淄  
侯植有寵丁儀等並贊翼其美太祖問顒顒對曰以庶

代宗先世之戒也願殿下深垂察之  
太祖識其意後遂以為太子少傅

寒暑不和黃瓊

見李宣

汝南先賢傳云李宣字公林為太尉黃瓊所辟時寒暑不和云云

文帝待以

友禮

魏志云陳羣領丞相東西曹掾在朝無適無莫惟伏名義不以非道假人文帝在東宮深敬器焉待

以交友之禮

太皇委以書記

嚴氏家傳云嚴奏字口平為太皇車騎掾委以書記

子泰非吾所宜吏

魏志云田疇字子泰太祖遣使辟疇署司空戶曹掾引見詔議明日出令

曰田子泰非吾所宜吏者也

謝掾必擁旄仗節

王掾當作黑頭

公

晉中興書云王珣弱冠與謝玄俱辟大司馬桓溫掾溫語人曰謝掾年三十必擁旄仗節王掾當作黑頭

公皆未易才也

流涕諫明帝

魏志董尋名為軍謀掾青龍中明帝大興宮室羣臣皆負土尋

流涕諫云若宮室狹小當廣大之猶宜隨時不妨農務  
况乃作無益之物黃龍鳳凰九龍永露盤土山淵池此  
皆聖明之所不興也陛下既尊羣臣顯以冠冕被以文  
繡載以華輿所以異於小人而使之穿方舉土面目垢  
黑沾體塗足毀國之光  
張目視王公

語林云王藍田少有癡稱丞相

以門第辟之既見無化言惟問江東米價藍田不答直  
張目視王公王公曰掾不癡謹哉王述後封藍田侯也

宋弘受罪長孫上書

華嶠後漢書云陳元字長孫以才高著名辟司空掾宋弘受罪

上書訟之言甚切直又敷陳當世便宜事

齊王暴屍道明露板

晉書云類川荀閻字

道明有名稱京師為之語曰洛中英英荀道明大司馬  
齊王同辟為掾同敗暴屍已三日莫敢收葬閻與同故  
吏李球嵇含等露板請葬朝議聽之論者稱焉

伯門乞代弟子

風俗通云已郡太守太山

祖望字伯門為司徒掾同產子作客殺人繫之望自劾去星行電征數日歸趨詣府露首肉袒辭謝太守太尉李固謝與相見頓頭流血自說弟薄命早亡以孤為託無義方之教自陷罪惡自男穿既與知情幸有微脩乞以代之言甚哀切李公達於原度即活出之

孟王不請弟子

又云高唐令樂安周糾字

孟王為大將軍掾弟子使客殺人捕得太守盛亮陰為宿留糾亦自劾去詣府亮與相見不乞請又不辭謝亮告賓客曰周孟王欲作抗直不恤其親我何能枉法乎遂斃於獄弟婦不哭死子而哭孟王世人誤之猶以為高

鍾離意解病徒桎梏

後漢書云鍾離意辟大司徒侯霸府詔部送徒詣河內時

冬寒徒病不能行意遂於道解徒桎梏恣所欲過與尅期俱至無或違者

君達解鄧融桎

梏謝承後漢書封告傳曰告字君達為司徒虞廷所辟時隴西太守鄧融以職被罪君達解其桎梏

范丹狷急佩章

後漢書云范丹字史雲辟太尉府以狷急不能從俗常佩章於朝議者欲以為

侍御史因遁身逃命於梁沛徒行敝服賣卜於市遭黨錮遂推鹿車載妻子捃拾自資及黨禁解為三府所辟

乃應司

何夔誓死蓄藥

魏志云何夔字叔龍太祖辟為司空掾屬太祖性嚴掾屬

公事往往加杖夔常蓄毒藥誓死無辱是以終不見及

蒲元作木牛

蒲元別傳云元為丞

相諸葛亮西曹掾亮欲伐魏患糧難致元牒與亮曰元等輒推意作一木牛連仰雙轆人行六尺牛行四步人

載一歲之糧也

馬良為草書

蜀志馬良詳前

馮岱干與臺閣

謝承後漢

書云馮岱字德山辟司徒劉寵府與四府掾屬並詣臺集議邊事

韓宣唐突諸侯

魏志

云韓宣字景仁太祖為丞相召署軍謀掾步入宮於東掖門外與臨菑侯植相遇宣恐淹不得去乃以扇自障

住於道邊植便問曰何官宣曰丞相運謀掾植又問曰應得唐突諸侯否宣曰春秋之義在諸侯之上也

**極輿馬之好**

漢書陳遵傳云遵為公府掾公府掾率皆羸馬小車不尚鮮明而遵獨極輿馬衣服

之好門外車騎交錯

**專務於交遊**

後漢陳寵事詳前

**問不及政辭出**

**自劾**

東觀漢記閔仲叔傳云司徒侯霸辟仲叔留與相見勞問之下不及政事仲叔曰被明公辟且喜且

懼及奉見明公喜懼皆去所望明公問屬以為政美俗成化令口廉得所遂以辭出自劾

**奮手不**

**顧皆投劾出**

先賢行狀曰鍾皓字季明為司徒掾公出道路泥濘導從惡其相麗去公車絕遠公

推軾言司徒今日為獨行耳還府向閤鈴下不扶

**解**

**冠而去**

續漢書胡廣傳云廣六世祖綱大司農馬宮辟為掾值王莽居攝綱即解冠縣之府門而去



投劔潛歸

汝南先賢傳云許嘉字德珍辟司徒府到京師會黨鬪事起李杜受誅嘉歎曰仲尼

遊於趙郊不入危國今人衆矣吾其行也遂投劔而歸

劉頌出穀

臧榮緒晉書云劉頌字子

雅辟相府掾奉使於蜀時蜀新平人饑土荒頌表求賑貸未報頌乃開倉出穀蜀民賴之太祖以頌專輒除名

謝鯤取橐

晉中興書陳郡謝錄云謝鯤字幼輿弱冠知名太傅東海王越聞其名辟為掾於時

懼胡來攻城多蓄薪柴鯤家僮載取官橐除名

阮千里三語掾

衛珍別傳云阮千里有令

聞太尉王戎見而問曰老莊與聖教同否瞻曰將無同戎善其言辟為掾世號三語掾戎因嘲之曰一言可辟何假於三阮曰苟是天下名望亦無言而辟何復假於一言也

殺公掾

王隱晉書云陳留周震累

為諸王所辟既下車公輒喪亡僉號震曰殺公掾莫有辟者司徒魏舒因固辟之果無患時以達命歸之

百六掾

晉中興書會稽虞錄云虞悺與弟望並有士操中宗為丞相招延四方之士辟虞為府掾時人

謂之百六掾望亦被召恥而不應

屬

原參定九品

千寶晉紀云王導為司徒置西屬一人佐長史參定九品也

了無一

事

山公啓事云事職有年限如公府掾屬了無一事亦限三年近矣

崔琰東曹

魏志云武

帝授崔琰東曹屬教曰君有史魚之直貪夫慕名而清壯士尚稱而厲斯可以率時者矣故授東曹往踐厥職

蔣濟賢屬

魏志云蔣濟字士通辟丞相主簿西曹屬令曰舜舉皋陶不仁者遠臧否得中望於

賢屬

谷永茂才轉

漢書云谷永字子雲以茂才轉為御史大夫屬

陳寔灼

然遷

續漢書云陳寔字仲弓舉  
灼然為司徒屬遷太丘長

太祖辟周逵陳羣以

為穢德

魏志云陳羣字長文為太祖司空西曹屬時有  
薦樂安王模下邳周逵者太祖辟之羣封敎以

為模達穢德終必敗太祖不聽後

文王遣鍾會邵悌

模達皆坐姦宄誅太祖以謝羣

謂其單身

魏志云邵悌字元伯辟大將軍司馬文王西  
曹屬初文王欲遣鍾會伐蜀悌求見曰王遣

鍾會率十餘萬衆伐蜀愚謂會單身無重任不若使餘  
人行文王笑曰我寧復不知此耶蜀為天下作患使民  
不得安息我今伐之如指掌耳惟鍾

仲叔被辟且喜

且懼

東觀漢記問  
仲叔詳據

洪逵為屬終日嘯詠

晉中興書陳  
郡郭錄云融

字洪逵司徒王導以為西曹屬融飲酒喜舞  
終日嘯詠未嘗以事務自嬰導甚相親悅也

# 功曹

原糾司外內扶直繩違

孫綽傳云綽為功曹參軍騎曹箋云綱紀居管轄之任以糾司

外內駁議彈劾誠無所拘然亦所以獻可替否扶直繩違者也

止舉大綱不拘文法

襄陽耆舊傳云習嘏字彥文山簡以嘏才博有文章為征南功曹止舉大綱而已不拘文法簡益器之轉為記

室參

毛玠為幕府功曹

魏志云毛玠為太祖幕府功曹後轉掾

嵇憲

為撫軍功曹

嵇憲集云晉武為撫軍妙選官屬以憲為功曹

懷祖素清介

晉中

興書云王述字懷祖以清介稱

企生多才藝

晉書云羅企生

康宗為驍騎將軍召補功曹

字孟予少多才藝殷仲堪鎮江

文王悅茂伯

晉春秋云向雄

陵引為功曹累遷武陵太守

字茂伯為鎮西將軍功曹鍾會既誅雄收而葬之晉王聞而名責之曰往者王經之死卿哭于東市而我不問今鍾會躬為叛逆又輒收葬若復相容其如王法何雄曰昔先王掩骼埋胔仁流朽骨當時宣卜功罪而後葬哉今王誅既加於法已備枯骨而捐之中野百年之後為仁賢之資不亦惜乎王甚悅與談宴而遣之

山簡器習嘏

襄陽耆舊傳見上

## 主簿

原省署衆事

續漢書百官志云司徒黃閣主簿省署衆事掌閣下威儀也

職在拾

遺

崔駰與竇憲牋云主簿職在拾遺夙夜致思智慮淺短何益也

內經百度外諮千

里

桓階別傳云上平荊州乃引桓階入為主簿內經社稷百度之規外諮席勝千里之策

能令

公喜能令公怒

晉陽秋云王珣為桓溫主簿却超為記室參軍溫並親待之故府中為之語曰

髯參軍短主簿能令公喜能令公怒超髯珣短故也

每事諮焉

長沙耆舊傳曰口口字伯緒為

丞相主簿功曹每事諮焉乃歎曰昔文帝與賈生共談不覺膝前於席也

每見逮問

世說云何

遂字彥陳東海王越辟為主簿時海內大

收羅賢俊

亂軍國事無大小每見逮問多所匡益

臧榮緒晉書云何充字次道少有名望大將軍王敦收羅賢俊辟為主簿

收羅士物

世說云王

敦字處仲太傅東海王越收羅士物聞其名召以為主簿

太傅聞處仲

詳上

元帝

用道明

世說云諸葛恢字道明弱冠知名時元帝為安東將軍以恢為主簿於時潁川荀闓字道明陳

留蔡謨字道明與恢俱有名譽號曰中興三名人為之語曰京都三明各有名蔡氏儒雅荀葛清

繁

欽文才機辨

典略云繁欽字林伯以文才機辨少得名於汝穎欽既長於書記又善為詩賦為丞

相主簿

顧榮機神朗徹

晉書云顧榮字彥先少有珪璋機神朗徹大司馬齊王攸以為

主簿德祖豫作答教

世說云楊修字德祖與賈逵王凌並為丞相主簿而為植所友每當

就植慮事有闕忖度太祖意豫作答教十餘條教門下教出以次答教裁出答已入太祖怪其捷推問始泄

元琳更作白事

世說云王東亭為桓溫主簿舍人竊其白事即於閣下更作無復同原本

一字云謹案王東亭名珣字元琳也

指切實憲

後漢書云崔駰字亭伯為車騎將軍掾屬三

十人皆故刺史二千石惟崔駰以處士年少擢在其間憲擅權驕恣駰數諫之及出擊匈奴道路愈多不法駰為主簿前後奏記數十指切長短憲不能容稍踈之

入諫諸葛

陽記云楊顥字子照為丞相

諸葛亮主簿亮嘗自校簿書顚直入  
諫曰為治有職上下不得相侵也

馮異披荊棘

東觀

漢記云光武引見馮異誦於公卿曰是我  
起兵時主簿為我披荊棘定關中者也

任續多規

諫

文士傳云任續字仲元為  
會稽王主簿多所規諫

元琳稱績

晉中興書云  
琅邪王珣為

大司馬掾轉府主簿時大司馬溫經略中夏軍國無寧  
戎府多事珣居要任有稱績三軍文武及數萬人悉識  
其面  
子元無滯  
文士傳云東海郭子元以才用為主簿  
天性閒朗事無疑滯雖處要劇猶閒也

孫寶自高

漢書孫寶傳云寶為御史大夫張忠辟為  
屬欲令授子經更為除舍設儲侍寶自劾

去忠固還之後署寶主簿寶乃就職或人謂寶曰高士  
不為主簿君何為之寶曰高士不為主簿而府主以寶  
為可一府莫言非士安得獨自高前日君男欲學文而  
移寶自近禮有來學義無往教道不可屈身雖屈何傷



也

郭象專勢

臧榮緒晉書云郭象字子元為太傅主簿甚見親委遂任職專勢專領軍一府

賈逵無惡意復職

魏略云賈逵字良道為丞相主簿時太祖欲征吳而大霖雨三軍多

不願行太祖知其然恐外有諫者教曰今孤成嚴未知所之有諫者死逵受教謂其同寮三主簿曰今實不可出而教如此不可不諫也乃出諫草以示三人三人不獲已皆署名入白事太祖怒收逵等當送獄取造意者逵即言我造意遂走詣獄既而教曰逵無惡意原復其職

楊綜為其主宥之

世說云楊

綜為將軍曹爽主簿爽誅時方解印綬將出綜止之曰公挾主幃幄捨此以至東市乎不從有司奏綜宣王曰各為其主

知人机案間事

郭子云時有為王導主簿校檢帳下導語主簿欲與

主簿周旋無為

一月三易面皮

王隱晉書阮孚為東亭主簿東亭曰卿無

知人机案間事

乃榮乎我為宣武  
吏一月三易面皮

## 公府祭酒

原德妙第一乃補祭酒

胡伯始漢官儀云武帝時丞相設四科以辟人德妙為第一科

乃補南  
閣祭酒

算無遺策盡不失理

東阿王祭酒誄云乃署祭酒典軍行止算無遺

策盡不  
失理也

明帝朝戲邠任

東觀漢記云東平憲王蒼為驃騎開東閣延賢士薦鴻門

邠任隱居教授辟為祭酒後朝會明帝戲之曰先帝徵君不來驃騎辟君而來何也任曰先帝秉德以惠下臣

可以禮進退驃騎執法御臣

太祖起迎邠原

邠原別傳云魏

臣懼法而至月餘遂去官

太祖為司空辟原署東閣祭酒太祖北伐三郡單于還  
住昌國太祖曰孤反鄴守諸君必將來迎其不來者獨

有酈祭酒耳未久而原先至門下通謁太祖大  
驚喜擊履而起遠出迎原曰賢者誠難測度

周澤

脩高節

東觀漢記云周澤少脩高節建武十六年辟大司馬府署議曹祭酒也

紀瞻能

玄理

晉書云紀瞻能言玄理司徒東海王越以為公府祭酒

光祿辟顧榮

晉書云顧

榮少有珪璋光祿大夫張華辟為祭酒

司徒辟左思

王隱晉書云左思少好學司徒隴西

王泰辟

為祭酒

## 錄事參軍

原總錄衆曹管其文案

干寶司徒儀云錄事之職掌總錄衆曹管其文案

舉

善彈非

劉弘教云錄事參軍務舉善彈非令史亦各隨執事修習也

舉直錯枉

干寶

司徒儀云錄事參軍掌舉直錯枉

### 記室參軍

原掌啓奏

千寶司徒儀曰記室掌表章啓奏弔賀之禮也

主表章

續漢書百官志云記

室主上表章雜

書記秩百石

記書之事創其草

千寶司徒儀云記室所主之儀凡有

表章雜記之

書掌創其草

弔賀之禮則題署

又云記室之職凡掌文墨表章啓奏弔賀

之禮則

王胡之管機密

庾亮別傳云王胡之為丞相府記室亮答胡之書管機密

題署也

斷大事

傳武仲主記掾

傅毅集云毅字武仲為大將軍記室主記掾還司馬也

云云

專掌文疏

千寶晉記云東海王越治兵台下邳縣孫忠為記室專掌文疏預參謀議

專

典書記

晉中興書會稽虞錄云虞預字叔寧好學有文才中宗以為記室參軍

陳琳阮

瑀俱典記室

魏志云陳琳阮瑀為司空軍謀祭酒並管記室參軍

曹攄左思俱

為記室

文士傳云曹攄字顏遠少勵志操精學有才藻仕晉辟大司馬齊王同記室左思字太冲齊王

同辟為記室

鍾記室心腹之任

魏志云鍾會為太僕固辭不就以中郎在大將軍府

管記室事為心腹之任人謂之予房也

王參軍人倫之表

世說云太傅東海王鎮許

昌以王安期為記室參軍雅相知重敦世子毗曰閑習禮度不如式瞻儀形諷詠遺言不如親承音旨王參軍人倫之表汝其師之謂安期節伯道趙穆也表宏作名士傳直云王參略云太祖嘗使阮瑀作書與韓

作書馬上起草

遂時太祖適近出瑀隨從因於馬

上具草書成呈之太

祖竟不能增損一字

書檄應命立成

晉書云孫惠為記室參軍東海

王越數詰訪得失每造書檄越或

驛馬催之應命立成皆有文采

書檄皆琳瑯所作

魏志云陳琳阮瑤太祖軍

國書檄多琳瑯所作也

神堂使阮瑤議之

魏武褒賞令曰

別部司馬請立齊桓公

孔演稱職

晉中興書會稽孔錄云

孫

神堂使記室阮瑤議之

楚負才

世語云孫楚為大司馬石苞記室參軍負才不敬府主揖苞曰天子命我參卿軍事

王

虞多才藝

晉中興書琅邪王錄云王虞字世將多才藝東海王越為太傅辟為記室

殷浩

善玄言

晉中興書陳郡殷錄云殷浩字深源識度清遠弱冠有美名尤善玄言三府辟皆不就征西將

軍庾亮引為

袁宏作賦

檀道鸞晉陽秋云袁宏字彥伯長於作賦為大司馬桓溫

記室參軍

府記  
室

李充善箴

晉中興書云李充字和  
度為參軍善箴銘也

中兵參軍

原掌帳內

干寶司徒儀云中兵參軍掌督帳  
內牙門將及軍器給其軍事也

督牙門

晉中興書太原王錄云王述字懷  
祖為司徒王導中兵屬督牙門

罰姦詐

均勞逸

干寶司徒儀云中兵之任凡在軍者以時  
科其器械綜其人數罰姦詐均勞逸也

祖述智出

人表

晉中興書范陽祖錄云太傅東海  
王越以述為典兵參軍智出人表

表最所救

免

袁氏家傳云袁最字敬宗為大將軍  
參軍署賊曹督刑獄事多所救免

行參軍

原掌使命不限數

干寶晉記云參軍宰吏惠帝立河間王顒為太宰輔政置行參軍不限數

掌使命也

周訪為安東行參軍

晉記云中宗渡江命周訪為安東行參軍在散輩時

時人未之識也時有參軍與訪同姓名者罪當死吏誤收訪訪奮擊收者數十人皆散走而自歸于帝帝不之

罪

王協為撫軍行參軍

干寶晉記云丞相王導為協少有令譽乃辟撫軍司徒行

參軍

參軍都護

公府舍人附

原并參三軍

魏志云于禁也潁陰樂進也陽翟張遼也張社太祖教與護軍薛悌署函邊曰賊至

乃發按并參三軍謂薛悌參于樂張三軍也

三府交命

晉中興書順陽范錄云范汪字元平



博學多通尤善立理  
護軍平南三府交命

士行議軍事

晉中興書陶錄云  
陶侃字士行太傅

東海王越以侃為參  
軍督護江州議軍事

竺瑶伐鮮卑

又云桓溫遣參軍  
督護竺瑶伐鮮卑

閻讚鯁直

晉記云閻讚為人鯁直不憚強禦初為太  
傅揚駁舍人駁誅乃解職上表求改葬中

宗詔特  
聽之

參軍

原張溫請恭祖

吳書武烈皇帝紀云張溫為車騎將軍  
請溫州刺史陶謙參軍事接遇甚厚謙

輕其事案吳書  
曰陶謙字恭祖

庾亮請逸少

晉中興書琅邪王錄云  
王羲之字逸少弱冠知

名庾亮請

問計賈詡

魏志云賈詡字文和參司空軍  
事袁紹圍太宗於官渡太祖糧

為參軍

方盡問詡計焉出詡曰公明勝紹勇勝紹用人勝紹決  
機勝紹有此四勝而半年不定者但顧萬全故也必決  
其機須臾可定  
也太祖曰善  
深器魏舒  
王隱晉書云魏舒為相  
國參軍相國深加器敬

甚見敬重

魏志云徐範字公儀為議郎參丞相軍事甚  
見敬重太祖征伐常令範及郗原留與世子

居守太祖謂文帝  
舉動必諮此二人

甚見器遇

臧榮緒晉書周顗字伯  
仁少有重名太尉東海

王越出鎮兗州以顗

委以機密

王隱晉書云裴邈字  
景遠東海王越以為

為參軍深見器遇

參軍委  
以機密

與謀時務

又云潘尼字正叔聞齊王同起義  
乃赴許昌同引為參軍與謀時務

兼管  
書記

幼宰參署七年

諸葛集云出教與軍師長史參  
軍掾屬曰徐元直勤見啓誨參

署七

子猷在府日久

世說云王子猷作桓車騎參軍  
桓謂王曰卿在府久比當相料

年

理初不答直高視以手版拄  
頰曰西山朝來致有爽氣

道元後莫逮

晉陽秋云荀逮字道

元少喜談論解音樂後進諸賢莫

張闓今之良

晉書云張

逮驃騎將軍長沙王以為參軍

闓少孤有志操太常薛兼進之於元常言闓才幹

陸

貞固當今之良器即引為安東參軍甚加禮遇

機以高賢

陸機表詣吳王云相國參軍率取臺郎臣獨以高賢見取

郭璞有才術

晉中興書東阿郭錄云郭璞字景純為尚書

范汪博

郎大將軍王敦以璞有才術為記室參軍

學多通

臧榮緒晉書云范汪字元平博學多通名理解褐參軍事

祖納文義可觀

王隱晉書云祖納字士言能清談

多出衆議

晉書云魏舒字

名理文義可觀為隴西王參軍

陽元轉相國參軍封劇陽子朝府碎務未嘗見是非至於廢興大事衆人莫能斷者舒徐為籌之多出衆議之

表文帝深器重之每朝會坐罷嘗目送之曰魏舒堂堂人之領袖也

常不能測

又云却超字景

興少卓犖不羈有曠世之度交遊士林每存勝拔善談論義理精微桓溫辟為征西大將軍掾溫遷大司馬又

轉參軍溫英氣高邁罕有所推與超言常謂不能測遂傾意禮待超亦深自結納

知度沈邃

又云李微字宣仲容貌質素頽然若不足者而知度沈邃言必有中初仕郡上計掾州辟部從事治中舉孝廉

參鎮北

耽學樂道

又云周顗以杜機為參軍事出教曰杜參軍耽學樂道

庾

軍事

敦常自神王

世說云司馬太傅府多名士一時俊異庾文康云見子嵩在其中常自神王案子嵩

庾敦字也

周顗正情疑然

晉陽秋云周顗字伯仁少有重名美姿容終日疑然雖一時儕

類皆無敢媒近辟為太尉參軍

子猷欲為傲達

晉中興書

案世說云世目周侯疑如斷山

琅邪王錄云王徽之字子猷卓犖不羈欲為倣達大司馬桓溫以為參軍

彥道倣儻不羈

又陳郡袁錄云袁耽字彥道少有才氣倜儻不羈為士類所稱王導引為參軍

蓬髮飲酒不

以王務嬰心

阮孚事見前從事中郎

蓬首散帶不常綜理府事

晉中興書云王徽之為大司馬桓溫參軍蓬首散帶不常綜理府事又為車騎桓冲騎兵參軍冲問卿署何曹對曰似是馬曹又問管幾馬曰不問馬何由知數又問馬比死多少曰未知生焉知死

孔愉不

求聞達

會稽典錄云孔愉字敬康遇石冰作亂避地餘杭布衣蔬食不求聞達中宗鎮江左命愉為參

軍

葛洪利得辟身

抱朴子云嵇悅道為廣州刺史表為參軍乃非所樂所利得辟身於

南土耳悅道含字也

御定淵鑑類函卷六十八


謹案卷六十七第六頁前四行夢松生腹刊本生  
訛出據吳錄改

第七頁前八行蹇蹇匪躬之意刊本蹇蹇訛乾乾  
今改

第十三頁前六行華嶠漢紀刊本紀訛書今改  
卷六十八第十七頁前八行於東掖門外刊本掖  
門訛門掖據三國志改







總校官庶吉士臣張能照

校對官庶吉士臣陳 墉

謄錄貢生臣于飛熊